



Say **KAMUSTA 48** to Philippines **toea per min**

“Use your prepaid Clifton, Citi Fixed wireless or Landline to Call your loved ones in Philippines now and enjoy the lowest call rate in PNG all day all night”

Promotion starts June 12 - 16, 2012.

24/7 Customer Care on 345 6789 website: www.telkompng.com.pg

ANGRY BIRDS GEIM **FRI!**

Nokia 202 nau i kam wantaim Angry Birds geim long K299 tasol. Kabin warpeka topa ol i pini.

K7 bilian dinau ...K4 bilian bilong Hailans Haiwe...

Aja Alex Potabe i raitim

ROT, bris, ples balus na sip bris em ol namba wan samt-ing bilong groim ikonomi na kirapim kantri, Praim Minista Peter O’Neill i tok.

O’Neill i mekim dispela tok-

tok bihain long Woks Minista Francis Awesa na PNG Gav-man delegesen i sainim wan-pela MoA pinis las wik long larim PNG i kisim K7 bilian dinau mani i kam long EXIM Benk bilong Saina (China).

I go moa long pes 2

‘Tingting gen, laip i no hat’



Poto na stori: Sape Metta

SAPOS husat manmeri i save tok ‘aiyo, laip em i hat’, em yu mas tingting gen, bikos dispela, em yu giaman.

Yumi gat graun bilong yumi, olsem na laip em bai no inap hat sapos yumi lusim les pasin na mekim wok fama antap long graun bilong yumi.

I go moa long pes 25

EM TAIM BILONG KEMPEN

18 Me - 22 Jun

1

Wik moa ...



ELECTORAL COMMISSION 2012 VOTE LPV Papua New Guinea

ANGRY BIRDS



Nokia 202 **K299**

SCAN HERE

f t

BOOMER FOLLOW US ON 1600000

Joinim Digicel! Naol www.digicelpng.com

Digicel Terms na Konditara apas

Digicel

PNG’s Bigger, Better Network.



SAPPHIRE SPRINGS

Naturally refreshing Mountain Spring Water at an affordable price!

330ML, 600ML & 1500ML

Spring Wara long Maunten Stret!

TELE Apdeit

Citifon EasiPay TopAp
Baim EasiPay wantaim Citifon bilong yu

Citifon nau i givim EasiPay TopAp Sevis wantaim Benk Saut Pasifik (BSP). Long yusim dispela nupela sevis, kism wanpela Mobail Benking Ap-likesen fom long Telikom Bisnis Opis o BSP brens klostu long yu long rejista.

Taim yu rejistaim Citifon na BSP akaun bilong yu pinis, bihainim dispela 5-pela isi step long baim easipay bilong yu.

Bihain long yu pinisim step 1, pls bihainim step 2 - 5.

Step 1 - Mita bilong yu

Taipim "Top" larim wanpela spes, taipim "Easi" larim narapela spes na taipim "hamas yu laikim".

(Olsem. Top Easi 10)

Step 1 - Mita bilong narapela

Taipim "Top" larim spes, taipim "Easi" larim narapela spes na taipim "Mita namba" larim narapela spes na taipim "hamas yu laikim".

(Olsem. Top Easi 98275 10)

Step 2

Salim teks mesej i go long 16288

Step 3

Mobail Benking bekim:
Olsem: BSP 955xxx Requesting K10 TopUp for "Nem bilong yu" EasiPay Meter #. Reply with E123456 if Ok.

Step 4

Bekim i go long 16288 wantaim TopAp koud long tok oraitim EasiPay TopAp.

Step 5

Mobail Benking Bekim:
Olsem: "BSP 123xxx TopUp successful - 654321. Your K10 EasiPay Token is 22172512053000969 for 13.6 units.

Tingim: Olgeta gutpela Easi-Pay TopAp i gat wanpela risit namba (Olsem.654321)



PNG bai sainim gan agrimen long UN

Aja Alex Potabe i raitim

PNG Gavman bai wok bung wantaim ol arapela Pasifik, Keribien na Afrika kantri long kamapim wanpela triti o agrimen long stopim salim na yusim bilong gan.

Dispela triti o agrimen em i ol i kolim Ams Tred Triti (ATT), na ol dispela kantri bai pasim tok long kamapim dispela namba wan triti long Yunaitet Nesens (UN) Jeneral Asembli long New York, Amerika long mun Julai dispela yia.

Bihain long planti ol liklik kantri insait long Afrika, Keribian na Pasifik i painimaut olsem gan em i wanpela nogut samtng long kamapim birua long laip bilong ol manmeri, na kamapim moa loa na oda asua, olgeta kantri insait long dispela rijen i wanbel long kamapim dispela triti long stopim baim na salim bilong ol gan na katres.

Ol ami na polis bai baim gan, tasol dispela triti bai stopim ol arapela man long baim gan, na tu ol kampani bilong mekim gan long noken salim gan nating long wan-wan man.

Ol bikpela kantri olsem

Amerika (US), Rasia, Kenada na ol sampela Yuropean kantri olsem Netalens i les long sainim dispela triti bikos ol i gat ol bikpela fektri long mekim gan, na sapos dispela triti i wok, ol dispela fektri bilong ol bai nomoa mekim gut mani.

Ol wan-wan ambesada na mausman bilong wan-wan kantri i bin bung long New York long Februari. Pinis long dispela bung, ol bai gat laspela bung long Julai, we olgeta kantri bai soim olsem wanem kantri bilong ol i laikim dispela triti long wok.

Namba wan sekretari bilong PNG Pemenen Misin i go long UN, Dino Mas, i tok, PNG i no pinisin ol ripot na pepa wok long kamapim dispela triti.

Dispela ol pepa wok bai kamapim kantri posisen o olsem wanem PNG i laik sapotim dispela triti bipo long em i kamap wanpela memba na sainim.

Mas i tok ol i wetim tasol Waigani long salim dispela kantri posisen bilong PNG i go long Nu Yok.

"Nau long dispela taim, mipela i wetim yet laspela pepa bilong kantri posisen long kam long New York. Bi-

hain long Epril woksop long Mosbi, mi bilip olsem ol wokman bilong Dipatmen ov Jastis na Atoni Jeneral, Dipatmen ov Foren Afes, na Dipatmen ov Praim Minista na Nesenel Eksekutyutiv Kaunsil, wantaim ol arapela gavman ejensi olsem polis na ami i redim pinis laspela ol pepa wok na redi long mipela i bung na toktok wantaim ol arapela kantri long UN Jeneral Asembli.

"Mi save olsem las wik ol Melanesian Spia Het Grup (MSG) i holim wanpela bung long Vanuatu, we ol i toktok tu long rijenal posisen bilong Pasifik long tokim UN long mun Julai," Mas i tok.

Mas i tok nau yet, PNG i no makim wanpela mausman o lid negosieta o namel man long go pas long ol dispela toktok, tasol em i tok moa beta PNG mas makim dispela man hariap.

"Long lukluk bilong mipela long New York, i gat bikpela sapot i kam long olgeta rijen bilong wol long kamapim dispela ATT. Tasol ol bikpela kampani na kantri husat i save mekim ol gan na bulet samtng i les long sapotim dispela triti.

Polye amamas long Maipakai winim kot



Don Polye

TRESERA Don Polye, husat i lida bilong THE Pati, i amamas long namba tu lida bilong pati na Memba bilong Kikori, Mark Maipakai, i winim lidasip traibunal kot bilong en las wik.

Polye i tok; "Mi save olsem namba tu lida bilong THE Pati i no asua long ol sut toktok agensim em. Ol dispela sut toktok agensim

Maipakai em ol politikel samtng long bagarapim nem bilong en, i no tru tru samtng Maipakai i mekim long en."

"Mi gat bikpela bilip long Maipakai olsem em i gutpela famili man, husat i save lukautim gut ol lain bilong en, na mi no ting em i bin mekim wanem nogut samtng. Em i bin asua liklik taim em i no bin tokaut long Ombudsman Komisn long ol mani na samtng bilong en.

"Tasol mi amamas bikos em i wanebl long kot skelim na klarim ol sut toktok. Mi amamas tu long kot i mekim gut stretpela disisen," Polye i tok.

Polye i tok amamas tu long ol pipel bilong Maipakai long Kikori long sapot ol i givim long lida bilong ol long gutpela taim na taim nogut wantaim, na askim ol long votim em gen bikos em i wanpela gutpela lida.

K7 bilian dinau i kam long pes 1

Dispela mani bai kirapim Hailans Haiwe, kamapim Galp-Sauten Hailans Haiwe, kamapim Paim Inlet Sip Bris long Lae, na kirapim Mendi Ples Balus.

K4 bilian bai go stret long stretim Hailans Haiwe bikos em namba wan rot bilong PNG. Hailans Haiwe projek bai stat long Lae na i go long Madang, na pinis long Koroba long Hela Provins.

K2 bilian bai go long kirapim Galp-Sauten Hailans Haiwe, na K1 bilian bai karapim Mendi Ples Balus, Paim Inlet Sip Bris, Lae-Nazab Rot, na ol Lae Siti rot.

"Ikonomi bilong kantri bai gro moa beta sapos yumi gat gutpela na intanesenel stendet rot, bris, sip bris na ples balus. Bipo gavman i no lukluk long ol dispela namba wan samtng.

"Tasol O'Neill-Namah gavman i laik kirapim ol infrastraksa bilong kantri wantaim dispela mani. Taim kantri i gat planti maining na LNG projek i kamap, moa beta yumi mas stretim ol infrastraksa long kamapim moa bisnis, pulim moa bisnis mameri o investa, na larim ikonomi i groa moa," O'Neill i tok.

Taim Wol Benk na Asien Dvelopmen Benk (ADB) i

save sasim bikpela intres o winmani long bekim dispela kain dinau, EXIM Benk i save sasim liklik intres long 2 pesen o 3.5 pesen bihain long 30-pela krismas.

"Mi amamas long Awesa na ol arapela mausman bilong gavman. Dispela mani bai senisim PNG bikos em bai kamapim bikpela projek tru i go inap 5-pela yia olgeta. Em bai kamapim wok mani, groim ikonomi, na senisim ples," O'Neill i tok.

Long bekim dispela mani, O'Neill i tok, em i no hatwok bikos PNG bai kism bikpela winmani i kam long PNG LNG Projek na ol arapela maining projek long bekim dispela dinau.

Awesa i tok Sainis Gavman i gat bikpela bilip long dispela gavman, na ol i givim dispela bikpela dinau mani.

"Mi amamas olsem mipela i kism dispela mani. Bihin long tupela wik, ol mausman bilong Sainis Gavman na EXIM Benk bai kam long PNG long lukim ol dispela ples we projek bai kamap.

"Ol bikpela kampani bilong Saina tu bai kam long mekim ol dispela kontrek wok.

"Bihain long en, bai mipela i sainim laspela agrimen long kism dispela mani na statim ol projek," Awesa i tok.



K7b DINAU MANI...Praim Minista Peter O'Neill na Woks Minista Francis Awesa i tokaut long K7 bilian dinau mani PNG Gavman i kism long EXIM Benk bilong Saina (China). Foto: Nicky Bennard

FM100 MAP COVERAGE

Be part of our Customers, Reaching 3.5 million Listeners daily

Maladina: Ileksen bai ron gut

Aja Alex Potabe i raitim

POLIS i gat bikpela bilip long mekim gut ol sekyuriti wok long larim Ileksen 2012 i ron gut na kamap long taim stret, nupela Intenal Sekyuriti Minista, Moses Maladina, i tok.

Maladina i kisim ples bilong pastaim minista John Boito na em bai kamap minista long dispela ileksen taim, na taim ol i kisim bek ol rit pepa bilong Ileksen 2012, taim bilong en bai pinis.

Maladina i bin sindaun wantaim Polis Komisina Tom Kulunga na ol arapela sinia polis opisa, na tokaut olsem polis i redi pinis long karimaut ol sekyuriti wok long larim dispela ileksen i ron gut stret na nogat wanpela hevi bai kamap.

“Mipela i redi pinis long larim kantri i gat fri, fea na seif ileksen. Mi gat bikpela bilip olsem bai mipela i karimaut gutpela ileksen stret,” Maladina i tok.

Polis Komisina, Tom Kulunga, i tok aninit long baset bilong ileksen, gavman i bin tok long givim K130 milian long polis long karimaut ol sekyuriti wok.

“Mipela i kisim pinis K105 milian, tasol bai mipela askim Praim Minista Peter O’Neill, husat i Fainens Minista na Tresaera Don Polye long givim dispela K25 milian moa long larim baset bilong mipela i go stret,” Kulunga i tok.

Maladina na Kulunga i tok tenkyu long Gavman bilong Australia na Nu Silan long wokbung wantaim ol polisman long larim dispela ileksen i ron gut.



Moses Maladina




Tom Kulunga

USE YOUR KUNDUCARD

For more chances to win

ONE MILLION KINA



www.bsp.com.pg

Find Us On



Niupela Maggi MagicTeist
Wanpela kain kuing pauda

Bai givim
BEST teist
long
kainkain kuk



2012 Ileksen Nius



O'NEILL LONG MORATA...Namba wan taim long praim minista long go long Morata, we moa long 3, 000 manmeri i bin soim bikpela sapot long O'Neill wantaim ol PNC Pati kendidet bilong en. Foto: PM's Media Unit

Sama Melambo tok em redi long fiksime Raikos

WANPELA strongpela lida bilong ol Mebu pipel insait long bus bilong Raikos distrik long Madang provins i putim han na i redi long toktok strong na bringim senis long ol manmeri bilong maunten na nambis ples.

Nem bilong dispela kendidet em Sama Melambo, na em i resis aninit long Melanesian Alaiens Pati.

Las wik Melambo i bin go olsem long Basamuk na Tugyag na i mekim toktok

long sampela bikpela samting em i laik mekim na i askim ol pipel long makim gutpela lida husat i ken bringim senis long sindaun bilong ol manmeri taim em i go long palamen.

Sama Melambo i bin wok bipo wantaim Hailans Pasifik Limited (HPL), na em wanpela long ol lain save-man husat i makim graun na bringim bikpela Ramu Nickel Projek long wokim bikpela rifaineri bilong en long Basamuk.

Melambo i tokim ol pipel

bilong Basamuk na Tugyag olsem bikpela rifaineri we nau i sanap long Basamuk em hanmak bilong em bikos wok em i mekim i stretim rot bilong kamapim dispela bikpela developmen nau i kamap insait long Raikos distrik.

Melambo i tok olsem em i no inap mekim wanpela promis, tasol em i luksave long ol hevi na wari bilong ol pipel bilong Raikos na sapos em i kisim pawa em bai wok strong long fiksime ol dispela hevi.



REDI LONG RAIKOS: Raikos Open kendidet, Sama Melambo givim toktok long Asas maket long ples Tugyak long Yaganon wod long Raikos.

O'Neill: Votim gutpela lida

Aja Alex Potabe i raitim

NOKEN paul paul na votim ol nogut lida husat bai bagarapim dispela kantri taim ol i go insait long Palamen bihain long dispela ileksen, Praim Minista Peter O'Neill i tok.

O'Neill i tokim moa long 3, 000 manmeri long wanpela bikpela bung long Morata las wik Fraide.

Ol lokol manmeri na komyuniti long Morata i bin amamas nogut tru long welkamim O'Neill, husat i bin kam wantaim 3-pela kendidet bilong People's National Congress (PNC) Pati, bikos dispela em i bin namba wan taim stret long wanpela praim minista long go long Morata na toktok long ol pipel.

"Noken paul paul na votim ol pawa-hangre lida husat i laik bagarapim dispela kantri. Mi no bin hangre long pawa na kisim praim minista, tasol mi laik lukim senis.

"Na mi save olsem yupela tu i lukim senis pinis insait long dispela 10-pela mun

tasol. Planti hap long kantri mi go pinis. Sampela em i ol ples kain olsem Morata, we ol bipo praim minista i no save go long en.

"Gavman sevis tu i no save go long ol dispela ples. Tasol nau taim PNC i kisim gavman, ol i kra i na tokaut olsem dispela gavman em i kam long plen bilong Papa God yet.

"Ol i tok dispela gavman em i tru tru gavman bilong pipel. I no olsem bipo gavman, husat i bin stilim bikpela K70 bilian long laspela 9-pela yia," O'Neill i tokim ol pipel, husat i amamas na singaut long sapotim em.

Em i tok bipo gavman i bin amamas na westim bikpela mani i kam long ol kain kain samting olsem gol, wel, kopa, kopra, na ol arapela samting bilong salim na mekim mani.

Dispela taim, mani mak o prais bilong ol dispela samting bilong salim o komonditi i bin go antap stret, na kantri i bin gat moa mani stret.

"Tasol i nogat wanpela nupela rot i stap long soim dispela mani. I nogat wanpela nupela skul i stap. Nogat

wanpela nupela ples balus i kamap. Ol manmeri i dai long ples yet bikos nogat gutpela haus sik i stap. Dispela mani i lus nating long kain kain tras akaun bipo gavman bilong Somare i bin opim long kain kain hap.

"Nau gavman bilong mi i wok long klinim dispela rabis na pipia Somare lain i bin mekim na go. Mipela i givim fri edukesen na fri helt long yupela. Nau bai mipela mekim haus bilong ol tisa na dokta long larim ol sevim yupela gut tru.

"PNG mas gat dispela kain gavman long harim singaut na kra i bilong ol liklik pipel. Olsem na mi laik tokim yu stret. Noken paul paul. Long gutpela long pikinimi bilong yu, votim PNC kendidet," O'Neill i tok.

Em i tok PNC bai stretim olgeta nogut samting bipo gavman i bin mekim na go. Long dispela bung, 3-pela PNC kendidet i bin stap wantaim O'Neill.

Wari Vele (NDC Rijenal), Michael Malabag (Mosbi Not Wes) na Jeffery Kaki (Mosbi Not Is) bai ron long dispela ileksen aninit long PNC Pati tiket.

Baragu askim luksave long Kokopo

Michael Novingu i raitim

"GUTPELA Edukesen, helt, rot na bris i bikpela samting mi bai kirapim sapos mi winim Kokopo open sia long 2012 jenerel ileksen na go long palamen."

Allan Baragu, husat bai resis long Kokopo open sia aninit long tiket bilong People's Party, i mekim dispela toktok long moa long 500 manmeri long Lalubang ples, Bitapaka LLG long las wik.

Baragu i tokim ol manmeri olsem sapos em i win long 2012 Ileksen na go long palamen, em bai stretim helt, rot na bris, na ol skul i bagarap pinis long Bitapaka LLG long

Kokopo Distrik.

Em i tok, Gavana bilong Enga Peter Ipatas i save peim skul fi bilong ol sumatin long Enga provins i skul long ol bikpela skul long Papua Niugini.

"Moa yet mi tu gen peim skul fi bilong ol sumatin bilong Kokopo Distrik i skul long ol bikpela skul long kantri."

Baragu i tok bipo em i wokman bilong fainens dipatmen long Waigani, ol i save katim mani i kam long Kokopo Distrik long stretim ol rot, bris, haus sik na skul, tasol i nogat wanpela gutpela samting i kamap long helpim sindaun bilong ol manmeri.

"Dispela mani em i mani

bilong pipel i gat rait long kisim gavman sevis, tasol ol pipel stap turangu yet long ol komyuniti bilong ol," Baragu i tok.

Baragu i tokim ol manmeri long votim em go long palamen bai stretim sindaun bilong ol. Em i tok, em i save long rot bilong kisim mani i stap, bai stretim ol samting i bagarap pinis long Kokopo Distrik.

Baragu i askim ol manmeri long votim ol man i gat gutpela pasin, i gat save long wok bai karimaut wok long tripela na stretpela pasin long kisim sevis i go long komyuniti bilong ol long kirapim gutpela sindaun bilong ol.

Jim Kas laik kamapim moa LLG long Madang

BOPO gavana bilong Madang na nau rijenal kendidet, Jim Kas, i tokaut olsem sapos em winim ileksen, bikpela samting em bai wokim em long givim moa pawa long ol lokal level gavman (LLG) na wod kaunsil.

Moa long en tu, Mista Kas i tok bai kamapim sampela moa LLG insait long Madang provins na larim pawa na wok bilong bringim sevis i go daun long ol komyuniti na wod level.

Mista Kas em bilong Simbai insait long Midel-Ramu distrik bilong Madang provins, na em i resis aninit long PNG Pati, em pati Belden Namah i go pas long en.

Insait long wanpela redio tok-bek progrem wantaim NBC Redio Madang, Mista

Kas i tok olsem insait long Madang provins nau yet i gat spes long sampela moa LLG i kamap long ol rurel distrik.

Em i tokaut olsem i gat spes long seven-pela nupela LLG long Madang provins na ol ples we dispela ol LLG i ken kamap em long Karkar, insait long Sumkar distrik, Raikos, Usino-Bundi na Midel-Ramu.

Em i tok taim em i wok olsem risets ofisa wantaim Madang provinsal edministresen, em i lukim kamap bilong tripela nupela LLG, wanpela long Raikos, wanpela long Usino-Bundi na narapela long Midel Ramu.

Wanpela long ol dispela nupela LLG we i bin kamap em Kowon LLG we ol Hagahai pipel we ol i painim ol long

1985 tasol i stap insait long en.

Mista Kas i tok em i gat tingting long mekim Long Ailan na Bagabag Ailan i kamap olsem wanpela LLG. Dispela i ken lukim moa sevis na luksave i go long ol dispela tupela ples, husat nau yet i no save kisim planti sevis tumas.

Em i tok narapela ples we em i laikim olsem nupela LLG mas kamap long hap em Wanuma. Dispela ples nau yet i gat boda wantaim tripela distrik long provins em long Madang, Sumkar na Midel Ramu, na planti sevis i no save go long turangu ol pipel bilong dispela ples. Olsem na Jim Kas i luksave long dispela na bai strong long kamapim LLG bilong Wanuma yet.

Ileksen em wok bilong yumi olgeta

SIF Sekretari bilong Gavman, Manasupe Zurenuoc, i tok ileksen wok em i wok bilong olgeta manmeri long PNG.

Em i tromoi dispela toktok taim em i lonsim 2012 Nesenel General Ileksen pered o mas bilong ol ami, polis na CIS long Hagen, Westen Hailans las wik.

"Ilektoral Komisin, Polis, Ami na CIS na olgeta provinsal administresan i bisi mekim ol hatwok wantaim long larim fri, fea na seif ileksen i kamap long kantri.

"15-pela de tasol i stap bipo long yumi i go insait long ol poling, na yumi olgeta mas wok bung long kamapim gutpela ileksen long gutpela bilong yumi olgeta," Zurenuoc i tok.

Em i tok long kamapim fri, fea na seif ileksen no isipela samting.

"Em i samting bilong mekim hatwok. Ileksen em i no samting bilong Ilektoral Komisin tasol. Em i wok bilong yumi olgeta bikos em i hatwok.

"Mi amamas long lukim i no ami na polis, tasol yupela olgeta manmeri husat i kam stap hia long soim sapot bilong yupela long kamapim fri, fea na seif ileksen," Zurenuoc i tok.

Em i tok Mama Loa bilong kantri i laikim PNG long kamapim pasin demokrasi long olgeta samting yumi mekim, na ileksen em i wanpela namba wan pasin demokrasi.

"PNG em i strongpela demokratik kantri na yumi olgeta i gat rait long sanap long ileksen na givim vot long ileksen.

"Olsem na mi gat strongpela bilip long yupela olgeta long strongim dispela gutpela pasin long larim PNG i kamap wanpela strongpela

demokratik kantri," em i tok.

Zurenuoc i tok olgeta manmeri i mas stopim pasin bilong stilim balot pepa, paif long ileksen taim, na vot tupela o moa taim bikos ol dispela kain pasin i save bagarapim gutpela rot bilong makim ol gutpela lida long mekim wok stret.

"Ol dispela kain pasin nogut i mas stop. Komyuniti mas wok bung wantaim ol dispela polisman, ami na CIS. Yumi mas larim manmeri, ol mama, ol pikinini meri na ol lapun manmeri i soim rait bilong ol long vot," Zurenuoc i tok.

Em i tok tenkyu long ol gavman bilong arapela kantri olsem Australia, Nu Silan (New Zealand) na Saina (China) long sapot na halivim ol i wok long givim long pipel na gavman bilong PNG long dispela ileksen taim.



SKELIM...Sif Sekretari Manasupe Zurenuoc i lukim na skelim ol polisman long Hagen, Westen Hailans las wik. Foto: PM's Media Unit

O'Neill strongim sait long fri edukesen polisi

PRAIM MINISTA Peter O'Neill i tok fri edukesen polisi bilong gavman i wok long rausim bikipela hevi bilong ol papamama, na ol man husat i wok long tok baksait long en i nogat wanpela gutpela samting long givim long ol papamama.

O'Neill i tok i bin i gat sampela liklik hevi long stat bilong dispela yia taim gavman i laik givimaut ol subsidi mani i go long wan-wan skul bikos planti bilong ol dispela skul i no bin gat benk akaun, tasol nau ol i stretim dispela pinis.

Em i tok long dispela K700 milian gavman i laik givim long karamapim ol dispela subsidi bilong fri edukesen, K300 milian i go insait pinis long akaun bilong wan-wan skul insit long kantri, na em i kisim pinis ripot olsem nogat wanpela skul i misaut.

Em i tok gavman i nau redi long givim gen K400 milian i go long olgeta skul insait long kantri.

O'Neill i mekim dispela toktok long Mande long Kimbe, Wes Nu Briten Provins, taim em i kempen long ol People's

National Congress (PNC) Pati kendidet bilong en.

Ol dispela PNC kendidet em i David Sui (WNB Rijena), Renei Raymann (Talasea Open) na Tony McKinnon (Kandrian-Gloucestre Open).

O'Neill i toktok long ol manmeri long Independence Park long Kimbe taun, bihain long em i mitim WNB Gavana Peter Humphreys.

O'Neill i mekim ol dispela toktok long bekim ol nogut toktok i kam long Enga Gavana Peter Ipatas na SHP Gavana Anderson Agiru.

Ipatas na Agiru i bin tok las wik olsem fri edukesen polisi bilong O'Neill-Namah gavman i no wok gut, we sampela skul i no kisim subsidi mani, na dispela program i nonap long ron gut.

Tasol O'Neill i tok: "Dispela tupela man i nogat wanpela samting long givim yupela. Ileksen kempen bilong tupela i nogat wanpela gutpela samting long tokim pipel, em i pipia tasol.

"Yumi mas pret na lukaut long tupela bikos, tupela i laik

larim papa mama gen karim dispela hevi, na stilim mani bilong ol pipel.

"Mi laik tokim yupela olsem dispela polisi bai stap yet olgeta yia taim PNC Pati i stap long gavman," O'Neill i tok.

"I no long taim tasol, gavman bilong yumi bai rausim K400 milian i go long ol skul," O'Neill i tok.

Em i tok long las 9-pela yia, maski ikonimi i bin groa gut tasol, Somare gavman i no bin givim wanpela gutpela sevis long ol 7 milian pipel bilong PNG.

"Long dispela as tasol,seventi-tu (72) memba i wanbel na rausim Somare gavman long Ogas 2, 2011," O'Neill i tok.

Long Mande, O'Neill i go long Kandrian-Glocester ilektoret long sapotim PNC Pati kendidet McKinnon.

Long Tunde, O'Neill i go long Bialla long kempen long Sui na Raymann, na i katim solwara i go olsem long Tewai-Siassi long kempen long ol Morobe kendidet bilong en.



LUKIM OL: Posta bilong ol Madang kendidet i lukluk i go long ol bikipela baret wara na pot-hol namel long Madang taun. Ol i no sem long lukim hevi long fran bilong ol stret

Makim gutpela lida long stretim Madang taun rot

GAVANA bilong Madang na memba bilong Madang i stap we, na bikipela baret wara na pot-hol pulap long rot namel long taun?

Dispela em strongpela askim wanpela Madang Open kendidet, Ricky Jacob, husat em wanpela yut lida, i askim taim em i salensim ol lain pipel long votim gutpela lida husat i ken stretim ples.

"Makim lida husat i ken lukim hevi na painim rot long stretim, na lida husat i laik kamapim senis insait long Madang," Jacob i tok.

Jacob i tok rijenal memba na Madang Open memba i mas sem taim ol i mekim kempen bilong ol insait long Madang taun, bikos bisnis senta bilong provins em Madang taun, nau i pulap tru long bikipela baret o pot-hol na wara pulap na mekim ples luk nogut tru.

I nogat simen baret long wara i ron i go aut na planti ol wara taim ren i pundaun i

save pulap na solap na mekim ples bagarap tru.

Narapela komyuniti lida, Peter Morgan i sutim tok long rijenal memba, Se Arnold Amet, husat i givim moa taim long nesenel politiks na bihainim tumas Se Michael Somare, na lus tingting long stretim Madang taun.

Em i sutim tok tu long ol lida long i no yusim gut mani em nesenel gavman i givim long stretim rot insait long taun.

Moa long en tu dispela ol rot kontrakta we ol i kisim long stretim Madang taun rot i no mekim gutpela wok. Dispela em bikos sampela ol baret o pot-hol we ol i karamapim long stat long dispela yia tasol, nau em hol i kamap gen. Dispela i soim olsem dispela kontrakta i no fit long mekim wok long sait bilong gutpela enjiniring.

Em i tok Mista Gau i wok long toktok olsem em i bringim K10 milien i kam

long stretim rot long Madang, tasol we stap gutpela wok i kamap. Kampani we ol i givim kontrak long stretim rot long taun i no mekim gutpela wok na ol rot i bruk bruk gen na mani gavman i givim i go lus nat-ing.

Em i tok olsem taim Buka Malai i kisim lidasip olsem memba bilong Madang, nogat bikipela developmen i bin kamap insait long Madang taun. Em i wok long tingim tasol ol pipel bilong em long Trans-Gogol eria na ol sevises long taun i go bagarap na nau yet Madang taun i luk bagarap tru.

"Mipela nidim strongpela lida, husat i ken bringim ol gutpela enjinia o seveia i kam long Madang na fiksik ol stom-dren sistem insait long taun na nogat wara i ken bung bung na kamapim hevi long rot long taim bilong ren,"



O'NEILL LONG KIMBE...Praminista Peter O'Neill wantaim WNB Gavana Peter Humphreys i wokabout i go long Independens Park long Kimbe long Mande. Foto: PM's Media Unit

Ol kendidet na sapota kukim Goroka

PLES i paia stret long Goroka, bik-taun bilong Isten Hailans long taim ol kendidet na ol sapota bilong ol i bin pulim lain na kapsait i go long provinsal ilektoral opis long nominet long nominesen wik.

415 kendidet i nominet pinis, na bai stap long resis long etpela ilektoret long provins na Isten Hailans rijenal sia.

Asisten Provinsal Ileksen Menesa, Janet Reuben i tok, bihain long nominesen wik i pas, foti (foapela ten) we tupela em ol meri, bai resis long Isten Hailans rijenal sia.

Na long etpela ilektoret long provins, Kainantu i go pas wantaim fifti-et (58) kendidet, Daulo wantaim fifti-seven (57), Okapa wantaim fifti-faiv (55), Goroka wantaim fifti-wan (51), Henganofi na Obura/Wonenara foti-tri (43) long wanwan, Lufa teti-nain 39, na Unggai-Bena twenty-nain (29).

Misis Reuben i tok, long taim rits i bin op, wok nominesen i bin ron gut i go inap long em i pas.

Em i tok amamas long ol kendidet na o sapota long kamapim gutpela trabol fri nominesen, na em i go moa na tok kain sapot long gutpela pasin i mas i stap olsem i go inap ileksen i pinis, na deklaresen bilong ol lidamanmeri i kamap.



SOIM SAPOT: Bisnisman na Kendidet bilong Goroka open, Ronald Napitalai (han sut), wantaim ol sapota bilong em i mas i go long ilektoral opis long taim bilong nominet.

Karkar pipel kraik long Yama na tok em gat bikipela hanmak

OL PIPEL bilong Wadau long Karkar ailain i kraik na soim wari bilong ol stret taim kendidet Peter Yama i go mekim kempen bilong em long hap long las wik.

Mista Yama, husat em lida bilong Pipols Leba Pati (PLP) i bin go wantaim namba wan pikinini man bilong em Emmanuel.

Mista Yama bai resis long Usino-Bundi, na pikinini man bilong em Manu, bai resis long Madang rijenal sia.

Ol pipel bilong Wadau i tok olsem taim Mista Yama i bin stap olsem memba bilong Sumkar taim em i winim 1997 ileksen, em i kamapim planti projek long Karkar ailan.

Em i yusim pawa bilong em olsem Woks minista insait long Chan-Haiveta gavman long lukim olsem ol rot na bris long Karkar ailan em wok i kamap long ol na dispela i kos moa long K8 milien.

Long 2002 Mista Yama i go resis long Usino-Bundi na em i win, tasol long 2007, em i lusim dispela sia i go

long Samson Kuli. Long dispela yia Yama i go bek long salens gen long winim bek sia.

Yama i tokim ol pipel long Karkar na bihain long ol arapela kempein ralli tu olsem taim em i stap olsem Woks Minista, em i bin yusim pawa bilong em long karimaut ol bikipela developolsem olsem Jacksons Ples-balus ridvelopmen long Mosbi, Poreporena Friwe, Bereina-Malalaua Trens Haiwe, Bogia-Madang Haiwe, Madang-Ramu Haiwe rot na arapela bikipela wok long kantri.

Mista Yama i tok em i yusim ofis bilong em long bringim sevises i go long ol pipel na wankain em i mekim long Karkar, tasol sampela jeles lain wantaim Ombudsmen Komisin i sasim em olsem em i yusim ofis bilong em long bringim developmen.

Lidasip Traibunel i rausim sas bilong Mista Yama, bikos ol i no painim wangepela asua. Wanem samting Mista Yama i mekim em long bringim developmen i go long ilektoret bilong em long Sumkar, na dispela i no asua.

Namah luksave long wok bilong sios

LIDA bilong PNG Pati, Belden Namah, i raun long planti hap long kantri long mekim kempen bilong em, na o manmeri husat bai ron aninit long tiket bilong PNG Pati long dispela ileksen.

Em i raun i go long Kundiawa long wik i go pinis long mekim kempen na tokim moa long 15,000 manmeri olsem ol sios save mekim bikipela wok long lukautim ol liklik ples long ol bikipela sevis.

Em tok tu olsem nau em i taim bilong yumi long givim bek long God long wanem samting bilong em, em

tu olsem planti taim yumi save lus tingting long God papa na ol sios lain.

Mista Namah bihainim toktok bilong em sapos, olgeta memba long palamen mas putim 10 pesen pe bilong ol i go long sios bai gutpela tru.

Long wanem olgeta liklik hap i nogat sevis i go long en, na ol sios i save go pas oltaim long givim helpim.

Em tokim ol pipel long Kundiawa olsem, ol i makim ol lida long sevim ol pipel, na i no bilong ol pipel long sevim lida.



"Collecting Taxes to help build PNG"

TAX AMNESTY ON ADDITIONAL TAX FOR LATE PAYMENT

The Papua New Guinea Internal Revenue Commission (IRC) wishes to advise all taxpayers now that an **amnesty** is in place for full remission of any Additional Tax for **LATE PAYMENT**, if the actual tax assessed is **FULLY PAID** by 31st July, 2012.

The **AMNESTY** applies to: **Personal Income Tax, Company Income Tax, Salary & Wages Tax, Business Payment Tax, Goods and Services Tax and Training Levy.**

Please contact any of the following named officers for further details:

Name	Telephone	Email
Mr. Dollacruise Augustine	322 6689	augustined@irc.gov.pg
Mr. Gedisa Basai	322 6666	basaig@irc.gov.pg
Mr. Henao Guria	322 6785	guriah@irc.gov.pg
Mrs Martha Tavi	322 6672	tavim@irc.gov.pg
Mr. Geoffrey Hanasbey	322 6680	hanasbey@irc.gov.pg

For more information on any other tax matters, taxpayers can visit your nearest tax office in your provincial centers or can access IRC's website:

www.irc.gov.pg

Authorized by Ms Betty Palaso, OBE
Commissioner General
Papua New Guinea Internal Revenue Commission

Strongpela bilip long kamapim senis long Obura Wonenara

WANPELA meri i gat strongpela bilip long kamapim senis na developmen long eria na komyuniti bilong em i ron long resis long sia bilong Obura Wonenara ilektoret insait long lsten Hailans provins.

Salasa Moses i gat 38 kris-mas bilong ples Malari long Simbari sab distrik, Marawaka. Em i wanpela meri kendidet tasol we Pipel's Leba Pati (PLP) bilong Peter Yama i kisim em i go insait

long pati bilong ol i sanap long salensim ol narapela 42 man kendidet.

Bihain long em i pinisim skul bilong em, Mis Moses i bin wok wantaim ol Non Gavman Ogenaisesen we i bin

helpim em i skruim save bilong em na i kam inap long dispela taim, em bin wok wantaim Nesenel Kaunsel bilong ol Meri (NCW) na wok long ol setelmen eria bilong edresim ol sosel hevi olsem HIV na

AIDS, vailens agensim ol meri na ol arapela samting moa. Em bin makim ol meri long ilektoret bilong em long toktok long ol eksploresen ples namel long lsten Hailans na Galp provins.

Polisi bilong Mis Moses i bihainim dispela bilong PLP na long ol sosel isu, em i karamapim helt, edukesen na sios sapot. Em i laik strongim ol manmeri long sait bilong informol bisnis na agrikalsa, long Lokol Level Gavman (LLG) level, plen bilong en em long gat ol sia bilong ol meri na yut, ol kaunsel na bisnis lain we bai helpim na strongim wok ikonomi long daunbilo i kam antap.

Mis Moses i tok namba tri bikpela samting em rot em samting we i nogat long ilektoret bilong em na ol i save plai long balus long bikpela mani o wokabout namel long 4 na 7 de samting long kisim sevis.

Em i tok em bai wok wantaim nesenel gavman na patna wantaim ol ogenaisesen olsem Yunaitet Nesens Developmen Program (UNDP) long etresim hevi bilong rot long ilektoret bilong em.

Mis Moses i laikim ol manmeri na em i laikim bai ol i gat gutpela laip, slip na kaikai gut. Na ol pikinini i kisim gutpela

skul na bikos em bin bungim hevi long dispela eria, em no laikim bai ol narapela manmeri i bungim ol wankain hevi.

Mis Moses yet i bin sanap na ron long resis bikos em i stap long plen bilong em yet long helpim pipel bilong em na kisim sevis i go long ol.

"Nogat man i tokim mi long sanap resis long dispela nesenel ileksen, nogat. Mi gat visen o driman olsem wanpela de, bai mi kamap wanpela lida. Maski mi no go long wanpela bikpela skul, mi bin wok hat long brukim ol banis na kamap wanpela meri i kisim sampela luksave tude.

"Mi no inap surikim nogat, mi ken stretim ol hevi. Na bikos long ol samting i kamapim hevi long pipel bilong mi, na olsem wanpela meri kendidet tasol long ilektoret bilong mi husat i gat tingting long mekim samting long helpim komyuniti bilong mi, mi bin strongim tingting na laik long sanap na resis. Mi wok wantaim tripela LLG long eria bilong mi long kamapim ol famili netwok" Mis Moses i tok.

"Lida i mas gat pasin bilong laikim ol man na givim bel. Sapos yu gat samting na narapela i laikim helpim, yurup as helpim. Lida i mas toktok na ol toktok i mas karim kaikai. Em i mas tingting gut, toktok na mekim samting. Olgeta lida i mas gat daun pasin na toktok wantaim olgeta pipel," Mis Moses i tok.



Daimon Jubili bilong Kwin Elizabeth

60 YIAS OLSEM KWIN: Strongpela yet, em Kwin bilong Inglsan na Komonwel, Kwin Elizabeth 2, i selebretim Daimon Jubili o 60 yia olsem Kwin long dispela yia. Royel Haines na bos bilong Inglan na ol Komonwel kantri we PNG i wanpela bilong ol, Kwin Elizabeth 2 i selebretim Daimon Jubili o 60 yia olsem Kwin long dispela mun.

Insait long wanpela wik olgeta las wik, Yunaitet Kingdom i bin gat bikpela selebresen we planti milian pipel i bin bung long London long stap insait long ol bikpela selebresen. Ol lain i makim Kwin long ol Komonwel kantri long wol we PNG i wanpela long ol i bin salim ol Gavana Jenerel bilong ol long stap insait long ol selebresen.

Long makim PNG na pipel, Praim Minista Peter O'Neill i salim wanpela pas long tok amamas long gutpela na bikpela sevis Kwin Elizabeth i givim long Yunaitet Kingdom na ol Komonwel kantri we Kwin i bos long ol.

"Taim mipela i bin kisim independen long 1975, mipela i no bin kamap memba bilong Komonwel, tasol long larim yu i stap olsem het bilong stet. Dispela disisen i stap tude na bikpela sapot i stap yet long yu," Mista O'Neill i tok.

Em i tok raun bilong Kwin na man bilong em, Prins Philip i kam long PNG i givim gutpela piksa long ol na pipel long olgeta hap bilong kantri i save amamas long lukim em i kam long kantri.

Em i tok kantri (PNG) i amamas olsem pikinini bilong em, Prins Charles na meri bilong em bai kam long PNG long mun Novemba olsem hap long selebretim Daimon Jubili bilong Kwin.

I have the Power to choose a good leader!



Your poor decisions in voting, will affect your future



Caritas Papua New Guinea



PNG Electoral Support Program



Yut, Meri na Famili wantaim Lorraine Siraba

Strogim awenes na wok long stopim pasin bilong bagarapim ol meri

Mi wokabaut wantaim liklik pikinini bilong mi i gat 5-pela krismas long lusim em long wanpela priskul insait long Nesenel Kapitel Distrik, na long hapsait mi lukim tupela hai skul sumatin meri i wokabaut i go long bas stop.

Tasol bihain long ol, sampela liklik manki i luk deti nabaut krismas bilong ol i stap aninit long 10-pela yia, i wok long bihainim tupela sumatin meri. Ol dispela manki i wok long tromoim ston long tupela na wokim ol kain tok tok na ol nogut tu wantaim. Samting ya i wok long kamap long ai bilong planti kar we i pulim lain i stap long wanem, trefik i stap isi. Ol man long ol kar bilong ol i sindaun isi na lukluk i stap. Nogat wanpela lain i wokim wanpela samting long stopim dispela pasin i no stret i kamap long tupela meri sumatin husat i no wokim wanpela asua, tasol ol i wokabaut long kisim bas i go long skul.

Ating dispela pasin we ol man i no wokim wanpela samting i soim olsem ol man i nogat pawa long stopim vaiolens agensim ol meri, o ol trabel long bagarapim ol meri. O, em i pasin we ol man i ting olsem wokim dispela kain samting long ol meri i orait.

Planti meri na ol yangpela gels i save bungim ol kain hevi long ol pablik ples olgeta de long ol strit long siti, ol pablik trenspot, na taim ol i go na i kam long wok na skul. Seksuel harasmen na seksuel asal o ol man i bagarapim ol meri o tromoim ol tok-tok nogut, laik holim ol meri na ol kain pasin nogut olsem em ol samting long siti, ol taun na rurel eria i save bungim na mekim ol i wokabaut na stap wantaim pret pasin. Planti taim, ol i save tokim ol long noken ripotim dispela kain samting, nogut hevi i go bikipela moa.

Ol dispela kain pasin, toktok, holim ol tambu hap bilong ol meri long pablik trenspot hap i nogut stret na em i no stret na i no gutpela samting long sosaiti. Em i kamapim kalsa bilong bagarapim na i no respek-tim ol meri na em i mekim ol meri i pret na i no seif.

Ziro tolerens long vaiolens agensim ol meri na ol yangpela pikinini meri i wok bilong olgeta long stopim na daunim, i mas gat politikel komitmen na lidasip long ol siti atoriti long daunim dispela pasin bilong bagarapim, tok nogutim na kamapim nating hevi long ol meri long ol pablik ples na pablik trenspot sistem.

I moabeta long strongim ol rot na wok bilong stopim ol kain pasin na kamapim "Zero tolerens" long ol wok awenes na kempen long "mass media" na komyuniti bung. i mas gat fokus na putim ol yangpela man na ol bikipela man long ol trening na putim moa pipel long karimaut ol wok long stopim ol kain pasin i no stret ol man na ol liklik manki i kamapim long ol meri.

Tupela hai skul sumatin i no bin gat wanpela man long helpim ol agensim ol planti bikhet manki.

I mas gat komitmen long strongim sans long tet pati i givim ripot long ol dispela samting. Dispela bai strongim ol "victim" o lain i kisim bagarap long ripot i go long wanpela spesel ejensi na i no go dairek long polis bikos planti meri i kisim ol kain hevi na bagarap i no save laik go dairek long ol polis. Moa yet, ol polis i mas givim gutpela bekim na helpim na pablik i ken pilim gut long kisim helpim long ol taim ol kain birua i kamap.

Tru, ol wok i go het long daunim vilens agensim ol meri, moa wok i mas kamap long edresim ol man i senisim pasin bilong ol i go long ol meri. Long kamapim dispela, i mas gat moa toktok na wok bung wantaim ol sios lida na ol komyuniti long wokim ol kempen long ol ysangpela man i senisim pasin na soim rispek long ol meri.

I kam inap nau long ileksen kempen taim, mi harim tasol ol meir i toktok long ol eria i karamapim vilens agensim ol merit aim ol man kendidet i stap isi na i no wokim wanpela toktok long dispela samting.

Mi hop olsem dispela i no soim ol kain man bai yumi makim ol i go long haus Palamen.



Raun Lukim ol Meri na Pikinini...

LAIP LONG AILAN I NAISPELA: Ol dispela yangpela manki bilong Aua Ailan long ol Westen Manus atolls i gat gutpela taim long waswas long solwara na wokim ol kain stail olsem dispela pikinini man i wokim long waswas na plai nabaut. **Poto: Aua Rufu Toi**



PNG SUSTAINABLE DEVELOPMENT PROGRAM LTD



Halivim ol pikinini bilong ol manmeri i givim laip bilong ol long sevim ol arapela

PLANTI taim mipela save lustingting long ol sekrifais ol warwan manmeri na family i save mekim taim ol i traim long givim servis long ol arapela. Long PNGSDP, mipela i bungim ol institusen na pipel husat i save strong long halivim ol arapela, maski sindaun bilong ol famili na pikinini bilong ol i no orait.

Patnasip bilong mipela wantaim Christian Leaders Training College (CLTC) long Benz, Jiwaka Provins, em long sait bilong skul infrastraksa bilong Giramben Praimeri Skul, em i wanpela long ol dispela stori.

Christian Leaders' Training College bilong Papua Niugini, we planti i save long nem CLTC, i bin kirap long 1964. CLTC i save trenim samting olsem tu handret sumatin olgeta yia. Ol i save givim skul long baibel na tioloji wantaim bikipela luksave long strongim ol nupela lida. Dispela insitusen i save pulim ol sumatin i kam long olgeta hap bilong PNG na tu, long ovasis. Planti long ol i save stap sindaun insait long kompaun bilong koles yet. Namba bilong olgeta inapim 700 o 800 sumatin. Planti long ol lain sumatin long CLTC i wok insait long agrikalsarel sapat program, we i save halivim long sapatim ol sumatin wantaim mani halivim taim ol i skul.

Giramben Praimeri Skul i bin sanap olsem wanpela elementeri skul long 1998, aninit long stia bilong CLTC, long inapim ol skul sumatin bilong ol sumatin bilong em yet. Ol pipel i stap long hap i nidim elementeri skul bikos i nogat kain samting olsem klostu, we ol pikinini bilong ol i ken yusim. Bihain long en, skul i groa na kamap wanpela CLTC ejensi praimeri skul taim ol i enrolim tu ol pikinini long ol komyuniti i stap klostu.

Bikos i nogat bikipela rot bilong kisim winmani, na ol arapela eria ol i nidim mani long en, CLTC i bin salim wanpela proposal i go long PNGSDP bilong halivim Giramben Praimeri Skul long Ogas, 2010. Long dispela taim, skul i bin gat enrolmen mak bilong 330 sumatin na 13 tisa, wantaim wanpela pemanen haus slip, na 6-pela pemanen klasrum. Askim ol i salim, em long mani sapat long bildim wanpela dabol klasrum na wokman opis. Bod ov Dairektas bilong mipela i wanbel long dispela askim na manimak inap long K121,000 i bin go aut long mun Novemba, 2010.

Long kirap bilong projek lonsim long Desemba 1, 2011, mipela i bin amamas olsem CLTC na ol komyuniti klostu i bin inapim olgeta wok ol i bin tok bai ol i kamapim. Ol i askim mipela long go long opim, we i makim opisal komisining bilong wanpela nupela wokman opis, we bai lukautim tupela tisa, na wanpela dabol klasrum we i ken sindaunim 40 sumatin long warwan.

Em i kaikai bilong hatwok na bilip i kam long planti manmeri aninit long menesmen na stia bilong CLTC administresen. Projek i bin go moa long soim we pipel i ken inapim wok wantaim wanem liklik risos ol i gat, na gutpela wok plenim na mani-plen. Mipela i luksave tu long CLTC na ol komyuniti long kontribusen na halivim ol i givim long projek, long sait bilong leba, taim, na ol lokal matiriel.

Em i gutpela samting tu long lukim we ol i givim han long developmen we i ken halivim ol yet na ol komyuniti. Tok amamas na luksave i go long CLTC na ol komyuniti i stap klostu, na tenkyu tru long askim mipela long kamap hap bilong dispela projek. Mipela i save olsem ol infrastraksa we yupela i sanapim bai stap long taim long lukautim ol bihain taim wokmanmeri bilong CLTC na ol arapela sumatin husat bai graduet lusim Giramben Praimeri Skul.



CEO: David Sode

I kam long tebol bilong CEO (Article #21 of 2012)

Ol kendidet mas mekim HIV-AIDS awenes long ol sapota bilong ol

OL KENDIDET husat i sanap resis long Madang provins i mas mekim awenes na givim strongpela toktok long ol sapota bilong ol long banisim ol yet agensim bikpela sik HIVna AIDS insait long taim bilong kempen.

Dispela em bikpela askim Madang Provinsal AIDS Kaunsil (PAC) i bin mekim long las wik.

Mausman long Madang PAC, Conrad Waduna i tok olsem long taim bilong kempen, planti kain kain pasin i save kamap long ol haus

kempen na ples bilong bung, olsem na wan wan ol kenidet i mas givim skul tok-tok o mekim awenes long ol sapota bilong ol long banisim ol yet long abrusim sik HIV-AIDS.

Waduna i tok olsem long taim bilong kempen, planti yangpela manmeri na ol pipel i save bung na planti kain kain pasin nogut tu i save kamap bikos i gat mani i raun raun, olsem na taim ol kenideit i givim toktok long sait bilong politiks ol i mas givim skul toktok tu long abrusim sik HIV-AIDS.

Waduna i tok Madang PAC i wok klostu wantaim Katolik HIV opis long Madang long kamapim ol testing senta long ol eria insait long taun long taim bilong kempen na ileksen we ol manmeri i ken go mekim ol HIV tes bilong ol long painimaut helt stetus bilong ol.

Long las wik Trinde, Madang PAC wantaim Katolik HIV Opis i putim kamap wanpela testing senta insait long eria bilong Madang provinsal edministresen long Jomba. Dispela em long givim sans

long ol manmeri long go mekim fri tes long hap long sekim blut sapos ol i gat binatang bilong HIV-AIDS o nogat.

Wanpela komyuniti lida long Edmin Kompaun long Madang taun, Peter Morgan i tok dispela kain wok Madang PAC na Katolik HIV opis i mekim em gutpela tru. Dispela i soim olsem ol dispela ogenaísesen i mekim wok stret long skulim ol pipel long abrusim ol yet long dispela sik nogut HIV. Morgan i tok kempen haus em wanpela ples we planti

lain i save muv i go kam na tu mani i save kapsait i kam long han bilong ol kenidet na ol sapota i save mekim planti kain kain pasin. Olsem na em gutpela tru olsem ol kenideit i mas kisim toktok na traime long skulim o toktok strong ol long sapota bilong ol long abrusim ol pasin nogut we i ken kamapim sik nogut HIV-AIDS.

Em i tokaut tu olsem nau yet, maski olsem i gat tambu i stap long bia, planti ol yangpela manmeri i wok long dring 'Yawa' o 'Stim' o

'Hombu' na i save mekim planti kain kain bikhet pasin long

Morgan i tok tu olsem insait long planti ol kempein haus, planti ol lain i save sindaun na kaikai na long nait tu planti kain kain ol pasin i save kamap long hap we i no gutpela tumas. Olsem na em i gutpela olsem ol kenidet i mas toksave long ol sapota bilong ol long noken mekim ol sapos pasin nabaut na stap gut na banisim ol yet long dispela bikpela sik nogut em HIV na AIDS.

Ileg medikal tim karimaut SIA patrol long Basamuk

James Kila i raitim

WANPELA medikal tim bilong Ileg Helt Senta insait long Astrolabe Be long Raikos distrik, Madang provins long las wik i bin mekim wanpela Saplimenter i Imunaisesen Ektiviti (SIA) o wokim banis sut patrol bilong en i go long ol viles etpos na klinik klostu long Basamuk.

Dispela medikal tim i bin statim patrol bilong ol long Sande Jun 3, tasol ol wok long go givim sut marasin long ol ples na haus-lain i bin stat long Tunde, Jun 5. Ol i karamapim ol viles stat long Mingming klostu long Raikos Hai Skul i go long Mindre viles we i stap klostu long bikpela Ramu NiCo Projek Rifaineri long Basamuk.

Opisa I lukautim Ileg helt senta (OIC), lan Warambukia tok olsem insait long dispela SIA patrol bilong ol medikal tim, ol i bin givim sut marasin i go long ol mama na ol yangpela meri we krismas bilong ol i stat

long 15 i go 45 krismas na ol i givim sut marasin tu long ol nupela bebi we mama i karim i no long-taim i go pinis i go tupela yia na 11-pela mun.

Warambukia i tok olsem insait long dispela SIA program ol i karimaut ol i givim sut marasin olsem oral-polio sut marasin i go long ol nupela bebi, na ol pikinini em 6-pela mun i go 9 mun i kisim ol misels sut marasin.

Em i tok tu olsem ol yangpela meri we krismas bilong ol em 15 na antap na ol mama we krismas bilong ol i go olsem 45 i bin kisim sut marasin ol i kolim tenanus toxaid.

Warambukia i givim rekot bilong ol sut marasin ol i givim long dispela patrol olsem long sait bilong oral polio veksinesen (OPV i bin luiim 472 pikinini i kisim sut marasin. Long sait bilong misels veksinesen (MV) i lukim 440 na long sait bilong tetanus toxaid (TETOX) em 558.

Em dispela rekot bilong ol lain i no kisim sut marasin

long dispela ol ples namel long Mingming na Mindre i antap tru. Olsem na ol bai karimaut narapela ol patrol gen long ol mun bihain.

I tokaut olsem tim we karimaut dispela SIA patrol em 8-pela lain husat i yusim moto bot i go long Basamuk na bihain ol i kisim kar na go lukim lain long ples.

OIC Warambukia i tok klia olsem eria we Ileg Helt Senta i lukautim i surik i go bikpela na i karamapim ol ples i go mak olsem long Basamuk.

Em i tok olsem olgeta mun ol i laik karimaut ol dispela patrol, olsem na long mun Julai ol bai stat long ples Marakum i go olsem long Raikos Hai Skul.

Dispela medikal tim bilong Ileg i bin go slip long Basamuk insait long kompaun bilong Ramu NiCo, na ol Komyuniti Afes Dipatmen bilong Ramu NiCo i helpim ol wantaim trenspot long muvim ol marasin bokis bilong ol na ol arapela samting long ol ples ol i mekim wok long en.

Veronica Hatutasi i raitim

NOKEN givim ol strongpela kaikai i go long ol bebi inap ol i gat 6-pela mun, tasol givim ol susu bilong mama.

Spesel Klinikal nes wantaim Susu Mamas, Margaret Rombik i tok.

Em i tok bel bilong ol liklik bebi i no strong na ol mama i noken givim ol kaikai long ol bebi inap ol i gat 6-pela mun.

Em i tok planti mama i save stat long givim ol "solid" o kaikai long ol bebi taim ol i lik yet olsem tupela na tripela mun na dispela i no stret.

Susu Mamas i save givim ol fri sevis bilong em i go long ol mama husat i go long ol klinik bilong ol long Mosbi,

Lae, Hagen na Goroka na tu, long ol raun bilong ol long ol komyuniti.

Sevis we ogenaísesen i save givim em, ol toktok na awenes long ol mama i givim susu bilong ol long bebi i gutpela moa winim ol narapela rot bikos em i seif, gutpela helt kea long ol bebi, pikinini, ol mama na famili, famili plening, banis sut, klinik bilong ol "well baby" o ol bebi i no sik na "infant feeding" o givim susu long bebi.

"Givim tasol susu bilong mama long bebi inap em i gat 6-pela mun na bihain, givim ol "solid" o kaikai long bebi.

"Bel bilong bebi i no strong na ol i mas kisim

susu na bihain long 6-pela mun, isi isi givim ol narapela kaikai we i malumalum long bebi.

"Mipela i save givim skul long ol mama i givim ol kain kaikai long ol bebi taim ol i gat dispela krismas mak," Nes Rombik i tok.

Ol Susu Mamas i save mekim raun i go long Pot Mosbi Jenerel Haus sik Spesel Kea Neseri, Leba Wod, Wod 10 na 11 long toktok lon g ol nupela mama. Ol save mekim raun i go long ol NCD klinik na ol komyuniti na tu, holim ol komyuniti semina na ol woksop we i save toktok long givim susu bilong mama long ol bebi i gutpela moa.



OIC bilong Ileg helt senta, Ivan Warambukia wantaim tim bilong en long Basamuk long taim bilong SIA patrol. *Poto: James Kila*



SUSU MAMAS DROP IN SENTA: Ol mama i kisim ol bebi bilong ol long klinik bilong ol bebi long kisim sevis bilong skel na banis sut. *Poto: Andrew Molen*



1-ROM BUNG: Sampela bisop bilong PNG na Solomon Ailan i sindaun long wanpela bung. Bihain long olgeta 5-pela yia, ol Bisop long olgeta kantri i save go long Rom long bung wantaim hetman bilong sios na ol bikman, ol i kolim long "Ad Limina Apostolorum" long givim ripot long ol wok kamap, ol hevi na ol wok developmen insait long sios, ol pipel bilong em na kantri. *Poto: Fr Victor Roche, CBC Jenerel Sekreteri, long Rom.*



BUNG WANTAIM OL ANGLIKEN SIOS: OL Katoliki bisop bilong PNG na Solomon Ailan i lukluk raun long Angliken Sios Senta long Rom. Angliken bisop bilong Pot Mosbi, Bisop Peter Ramsden em namba wan man long fran i soim rot long ol Katolik Bisop bilong PNG na SI long Angliken Senta senta long Rom na toktok wantaim ol bikman bilong Angliken Sios. Long dispela taim, Katolik na Angliken Sios i wok long toktok na wok bung planti long ol wok ekumenisim, planti Angliken Sios memba i lusim sios na go joinim Katolik Sios long wanem, ol i no amamas long sampela samting i kamap long sios bilong ol. Wanpela em long sios i tok oraitim ol "homosexual" o man i prenim man i kamap pater na bisop, na ol narapela samting moa. *Poto: Pater. Victor Roche, Jenerel Sekreteri, CBC, long Rom.*



Makim gutpela lida

STAT long las mun bilong Me i go inap long mun bilong Jun 2012, manmeri bilong PNG i selebretim wanpela demokretik selebresen. Em i taim bilong mekim redi long Nesanel Ileksen bai stat long Jun 23, 2012.

Long taim yumi ridim planti taim long niuspepa, ol posta, harim long radio, lukim na harim long TV o harim long taim sampela manmeri o sampela politikel pati i wokim kampen, ol i save tokim ol manmeri olsem: "Yupela i mas makim gutpela lida long kamap memba bilong yu, bai em i ken bringim sevis i kam long ples bilong yupela".

Dispela tok i soim olsem nau yumi nogat gutpela lida. I gat lida nogut tasol i stap a?

Bikos wankain tok yumi save harim olgeta taim bilong kempen. Faivpela yia bihain, bai yumi harim gen dispela kain tok.

Tasol mi bilip, 5-pela yia pastaim, manmeri i bin makim gutpela lida o memba bilong ol long taim bilong ileksen. Sapos em i wanpela man o meri nogut, mi bilip olsem ol i no bin makim em.

Long taim bilong kempen, yumi no harim wanpela memba i tokaut olsem em i wanpela man nogut. Noken votim em. Olgeta manmeri i sanap long ileksen nau, i save tok: "mi gutpela lida. Makim mi kamap memba bilong yupela, bai mi bringim sevis i kam long yupela".

Planti nupela kendidet i wokim planti promis long wokim sapos manmeri i votim em. Sampela memba tu i wokim promis olsem em bin promis 5-pela yia i go pinis. Bilong wanem nau tasol ol i promis gen bai ol i bringim sevis i go long komyuniti na ples bilong yumi? 5-pela yia pastaim tu, yumi bin harim wankain promis, laga?

Sampela yia i go pinis, taim mi stap long Erima yet, mi bin go lukim wanpela famili long Godon. Mipela i bin wokim stori long wanem samting i kamap long sios na kantri bilong yumi Papua New Guinea. Bin go lukim ol long taim bilong kempen bilong ileksen sampela yia i go pinis. Ol i bin komplem long memba bilong ol.

Mi bin askim; bilong wanem yupela komplem? Sapos yupela i save em i no gutpela lida/memba, bilong wanem yupela i bin makim em long taim bilong ileksen?

Ol i bekim askim bilong mi olsem: "Nogat, Pater! Taim mipela i votim em, em i gutpela man stret. Tasol taim em i go kamap insait long haus Tambaran (Palamen haus) long Waigani, pasin bilong em i senis. Ating i gat wanpela spirit nogut i stap insait long Haus Tambaran long Waigani? Olsem na spirit nogut i bin paulim na senisim gutpela lida bilong mipela i kamap lida nogut. Taim em i stap man nating, em i save tingim mipela, sapotim mipela na mekim gutpela wok long komyuniti bilong mipela. Tasol taim em i winim ileksen na go insait long haus Tambaran (Palamen haus), olgeta gutpela pasin bilong em i no stap moa wantaim em. Em i no stap long ples wantaim mipela moa. Meri na pikinini bilong em i go na stap long Pot Mosbi tasol".

Taim mi go bek long haus, mi bin tingting planti long toktok bilong man bilong wanem memba bilong ol i senis taim em i go kamap insait long Palamen Haus long Waigani. Em i tru! Planti manmeri bai toktok wankain olsem memba bilong ol i save senis long kamap man nogut.

Em i tru! Bikos em i kamap memba na go insait long wanpela "SISTEM" bilong gavman i stap pinis. SISTEM i save senisim laip na pasin bilong memba bilong palemen bilong yumi. Olsem na, yumi makim GUTPELA LIDA i SAVE PRET LONG GOD (Fear of God). Sapos God i save bosim laip bilong em, spirit bilong haus Tambaran bai i no inap daunim em.

Pop Benedict 16 amamas long ol Bisop bilong PNG na SI

Veronica Hatutasi i raitim

PASTOREL lukaut na sevis na ol daiosis i wokim moa yet, long ol lain i gat sik HIV na AIDS na kamaut long pablik na toktok agensim ol samting i no stret we gavman na ol lida bilong kantri mekim em tupela long ol bikpela samting we Pop Benedict 16 i autim tok amamas bilong em taim em bin bungim ol long las wik Sarere.

Ol Katolik bisop bilong PNG na Solomon Ailan i stap nau long Rom long raun bilong ol we ol i save mekim bihain long olgeta 5-pela krismas.

Taim bilong ol long bung wantaim Pop Benedict 16 em long las wik Sarere, Jun 9.

Taim Pop i tok welkam long ol bisop long wokabaut bilong

ol, em bin tok dispela wok-abaut bilong ol long Rom em i gutpela sans long ol i ken bung na toktok wantaim olsem wanpela bodi bilong Kraus.

"Mi tok tenkyu long yupela long ol sipsip i kam aninit long lukaut bilong yupela. Mi luk-save long gutpela wok na lukaut yupela i givim long ol turangu, ol lain we ol narapela i no save bisi long ol, ol sik na moa yet, ol dispela i gat HIV na AIDS, aninit long ol daiosisen ejensi bilong yupela.

"Narapela bikpela long pastorel ministri yupela i karimaut em taim yupela i toktok agensim ol samting i no stret long sosaiti long makim ol dispela i nogat lain long makim maus bilong ol. Taim sios i autim wari bilong em long pablik, samting em i mekim i stret

bikos dispela bai kamapim gutpela samting. i no bilong givim politikel ansa tasol long helpim klinim na givim lait long gutpela tingting i ken kamap.

"Mi strongim yupela long long toktok wantaim na wok wantaim ol sivil atoriti na sios i ken fri long toktok na givim sevis long gutpela bilong olgeta, na long rot i bihainim ol Gospel velyu," Pop Benedict 16 i tok.

Taim Pop Benedict 16 i bin amamas long ol kain pastoral wok ol bisop i mekim we ol i strongim "evanjelaisesen long kalsa", em i tok dispela wok em i bikpela samting long wanem, kalsa i gat wok long histri bilong salvesen taim God triwan i bin salim pikinini bilong em i kam long graun insait long wanpela kalsa.

Em bin tokim ol bisop olsem long wok bilong evanjelaisesen o kisim Tok bilong Bikpela i go aut, autim ol Tok tru bilong Gospel i go aut long pipel i kam long ol kain kalsa we ol i sevim.

Pop Benedict 16 i bin tok famili i gat bikpela wok long mekim long evanjelaisesen, em bin tok long tude, bikpela lukluk i mas go long rilijes, sosel na ol gutpela pasin olsem pas wantaim wanpela patna tasol, ikwaliti na luk-save long wanpela narapela i mas stap namel long tupela marit man na meri.

Taim em i givim ol blesing bilong em long ol bisop, Pop Benedict 16 i bin tok em bai putim ol, pipel na kantri bilong ol i go long preia bilong Mama Maria, Mama bilong Sios.

Ol Lutheran Yut kisim salens

Paulus Tali i raitim

OL Lutheran Sios yut bilong tripela peris insait long Lae siti i kisim salens long holim strong bilip bilong ol long Bikpela.

Wanpela lida bilong sios long seket, Reveren Tommy Luke i bin wokim dispela toktok long tenks giving lotu i bin kamap long Yut Sande selebresen i bin kamap long stedium long Sande i go pinis.

Long dispela lotu selebresen tu, Bart Philemon em biknem politisen bilong Morobe provins husat i bin kamap wantaim ol narapela bikman tu olsem Benson Nablu, Jack David na Andrew Gigmai long witensim dei bilong ol yut bilong sios na long strongim long ministri long ofa na sapot.

i bin strongim ol Lutheran Sios yut long joinim sios ministri bai helpim ol i kisim gutpela laip na sindaun.

Em bin tokim ol tu olsem ol i bun bilong sios na ol tasol i mas daunim ol kain kain hevi

ol i save bungim taim ol i go insait long ol kain. Na rot long lusim ol dispela em long joinim ol sios yut ministri.

Maski planti yut i no bin kisim gut toksave long lotu bung bilong selebretim Yut Sande bai kamap long Stedium, sampela yut na ol narapela Kristen bilong Ridima, Sen Paul's na Kalvari Peris i bin kamap long lotu bun g selebresen.

Ol yangpela bilong St Pauls' i bin kamapim ol gutpela program long laitim kendol na apim fleg bilong sios.

Long tok salens bilong em, Reveren Luke i bin bihanim het tok, "Mi Bilip long God, Papa na tokim ol yut olsem olgeta taim long laip bilong ol, ol i mas bilip long God long wanem, em no save lusim yumi long gutpela taim na long taim nogut em i was long yumi.

Em i salensim ol long sanap antap long bilip yumi na lukluk long em. Na bai Jisas i ken blesim wok ministri bilong ol yut insait long sios.



SIASSIYUT: OL meri yut bilong Siassi long Ridima Peris i putim kain bilas bilong ol na wokim tumbuna singsing danis. *Poto: Paulus Tali*



SEN PAUL'S YUT: Ol yut bilong Sen Pauls' Lutheran peris i holim fleg na kendol olsem hap long presentesen bilong ol. *Poto: Paulus Tali*



TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

Ol Solomons MP i noken lukautim diskresenari fan

PIPEL long Solomon Ailans i laikim bai ol i rausim ol kain fan olsem diskresenari fan long ol memba bilong palamen long lukautim.

Wanpela biknem man bilong Solomon Ailans i sapotim dispela tingting em Prais Minista bipo, Sir Peter Kenilorea i gat.

Nau tu, planti ol NGO lain long kantri olsem Transparensi Intanesenel, Solomon Ailans.

Bosmeri bilong Transparensi Solomon Ailans, Ruth Lilongula, i laikim ol i rausim ol kain mani olsem long han bilong ol palamen memba.

Australia korona i painim dingo i kisim pikinini Azaria Chamberlain

KORONA long Noten Teritori (Northern Territory) long Australia i bin painim wanpela dingo o ol dingo dok i bin kilim pikinini Azaria Chamberlain long kem-graun long Uluru.

Dispela tokaut i bin pinisim plan-ti toktok ol pipel i bin pulim i go kam inap long 30 yia long lus bilong dispela liklik pikinini taim em i bin nainpela wik tasol, bek long 1980.

Mama bilong Azaria, Lindy Chamberlain-Creighton, na papa bilong em Michael Chamberlain, i wok long strong long toktok bilong ol olsem dingo i bin kisim pikinini bilong tupela.

I bin gat foapela koronial inkwairi, wanpela kot long meda wanpela 'royal komisin' i go long dispela lus bilong Azaria.


Long taim bilong kot, ol loya i bin kamapim nupela ol evidens, tok klia long elevenpela atek em i bin kamap stat long taim laspela kot i bin kamap long 1995.

Loya i halivim Rex Wild, husat i loya bilong gavman i bin tok i bin gat inap evidens long taim bilong las kot kes bek long 1995 long soim olsem dispela liklik pikinini dingo i bin kisim em, na bihain long narapela kot gen, long mun Februari, dispela toktok i bin trupela.

Loya bilong Chamberlain, Stuart Tipple, i bin tokim kot i bin gat ol asua ol i mekim bipo.

Em i bin tok olsem long kot bilong Mis Chamberlain, Prosekjuta Ian Barker -husat tu i loya bilong gavman i bin tokim juri dispela stori bilong dingo i wanpela giaman toktok stret.

"Your honor, the wheel has



SOM PEPA: Lindy Chamberlain-Creighton i holim dai setifiket pepa bilong pikinini meri bilong em na Michael Chamberlain, Azaria, ausait long Darwin Majistret Kot bihain long namba foa koronial inkwes i go insait long lus bilong Azaria. Wanpela pikinini man bilong ol, Aiden, i sanap long baksait.

turned," Mista Tripple i tokim kot.

"I suggest to you, with the additional material, you can confidently come to the finding on the balance of probabilities that the murder theory is preposterous."

Na ol i bin givim aut ol toksave long i bin gat sampela dingo atek long ol yia bilong 1980, wantaim tu kilim dai bilong tripela yangpela pikinini.

Mis Chamberlain-Creighton, i bin askim strong korona long kamaut na tok klia gut long memori bilong Azaria.

Long 17 de bilong mun Ogas 1980, Mis Chamberlain-Creighton i bin kraik nogut tru long kem graun klostu long Uluru olsem dingo i bin kisim pikinini bilong em.

Tasol lain juri i bin painim em i rong long dai bilong Azaria long 1982, na i bin go kalabus inap em i dai.

Tasol Royal Komisn nau i rausim dispela kalabus bilong em.

Nauru Presiden i tok politikal senis gutpela

PRESIDEN bilong Nauru i tok,

tingting bilong en long rausim gavman na makim ol nupela memba bilong oposisen long kamap olsem nupela gavman bai kamapim tu sampela nupela we bilong senisim mama loa o konstitusen.

Sprent Dabwido i tok em i bin senisim gavman long wanem em i bin les tru long pasin we palamen i no bin nap long oraitim sampela nupela loa olsem bilong senisim politikal sistem em inap larim ol long noken senisim ol gavman tumas.

Presiden Dabwido i tok em i ting nupela gavman bilong en bai nap long oraitim ol dispela nupela loa klostu.

Risets i soim man i bikpela as bilong global woming

WANPELA risets grup em Amerika i go pas long en i tok global woming i samting tru na sutim tok long man i kamapim bikpela hap long en.

Ol mansave o saintis i tok dispela em i wanpela bikpela stadi tru i kamap i kam inap nau long glob-

al osen woming.

Ol i raitim kamap dispela risets long jenal o buk Nature Climate Change.

Dispela tim i bin mekim wok painim aut long ol solwara tempresa i wok long go antap long faivpela ten yia i go pinis na ol i kamapim sampela piksa o model i soim we klaimet i senis.

Dokta John Church, husat nau i stap long Australia, na halivim long raitim stori bilong risets, i tok ol si o osen long wol i no bin inap long i go hat long wan ten bilong wan digri selsias sapos man i no halivim long mekim.

Em i tok netsa o mama graun i halivim tasol long 10 pesen long i go antap long hat.

Dokta Church i tok ol mansave bilong Amerika, Australia, Japan, na India i bin glasim gut sampela long ol kain kain piksa o model em ol i bin putim wantaim bilong klaimet senis, na ol stadi pastaim long en i bin lukluk tasol long tupela kain piksa long wanwan taim.

Em i tok dispela i bin mekim grup i rulim aut ol tingting olsem ol senis i save kamap olsem ol taim o netseral variability long klaimet sis-

tem.

Profesa Nathan Bindoff, wanpela liding klaimet senis na osenografi saveman i tok ol saintis nau i klia olsem grinhaus ges em man i kamapim i bikpela as long graun i wok long kamap hat.

Dispela risets tim i tok nupela stadi bilong em bai halivim long ol i wok bihainim ol stadi bihain long klaimet sensi risets na intanesenel polisi developmen.

Nupela redio sevis agensim Fiji gavman i stat

WANPELA Fiji Fridom na Demokrasi Muvmen long Australia i statim wanpela sevis bilong en yet i go long Fiji.

Lain bilong Fiji Fridom na Demokrasi Muvmen long Australia i statim pinis wanpela aua brodkas em ol i save lisim long World Radio Network, wanpela sotwev redio sevis, long tokaut long ol strongpela tingting no laik bilong en long Fiji interim gavman.

Tui Savu, tokman bilong Fiji Fridom na Demokrasi Muvmen long Australia, i bin tokim Pacific Beat progrem olsem ol i kisim pinis ol gutpela toktok na sapot bilong dispela progrem long ol lisena long Fiji.

Long dispela taim, progrem i save ron tasol inap long 30 minit na ol wok brodkas bilong em long tok ples bilong ol Fiji yet. Tasol Mista Savo i tok ol i gat laik long apim dispela mak i go long wanpela aua, na ol i laik redim ol progrem long karamapim olgeta kain lain husat i stap long Fiji.

Australia i laik salim ol soldia i go long Fiji

I GAT sampela stori olsem Australia kamapim pinis ol plen bilong yusim ol militari bilong en long go insait long Fiji na tu, salim ol soldia bilong en i go long Papua Niugini.

News Limited niuspepa i ripot olsem ol dispela tingting bilong Australia long salim ol soldia bilong en i go long dispela tupela kantri i hap long ol wok bilong en bilong redim na kamapim wanpela Difens Polisi pepa bilong gavman.

Wanpela mansave bilong difens, Paul Monk, i tok dispela tingting bilong gavman i no min tru tru olsem Australia i laik go na kisim gavman bilong Fiji.

Tasol Dokta Monk i bin tokim Radio Australia olsem interim gavman bilong Fiji bai kirap nogut long harim olsem Australia i wok long tingting long mekim dispela pasin bilong en long Fiji.

Pacific BEAT

4. 5. 6am & 4pm. 5pm including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



Kempen bagarapim slip bilong mi

KEMPEN insait long Mosbi siti i ron gut tru, tasol bikpela asua tasol em long nois bilong ol long Sande na nait.

Planti pipel i tait na laik slip gut long nait ya nogat, bikpela spika wantaim nois na bikmaus kam raun long ol haus lain na mekim laip i hat tru long slip.

Las wik mipela i no slip gut bikos ol kempen lain i pulim lain long kar na spika pairap wantaim nois na ol raun long olgeta blok na kompaun na mekim mipela painim hat tru long kisim malolo.

Nois i stat long 5 kilok apinun na go pinis long 3 kilok moning.

Taim wanpela grup kam go pinis, narapela kam gen wantaim longpela lain kar na bikmaus kam. Oloman, mi lusim skin stret bikos mi no slip gut ya.

Aste tasol long Tunde nait wanpela lain kempen grup singsing kam na mekim planti nois pinis na go na i no long taim, narapela lain kam



gen. Klostu olsem 1 kilok nait, narapela lain kam gen na kendidet singaut long spika olsem. Yupela givim mi vot 1. Mi hauslain bilong yupela ya. Sapos yupela no givim mi vot 1. Sore stret. Sapos mi win na yupela kam singaut bai mi salim yupela go bek long ol lain yupela givim vot 1 long ol. Dispela toktok mekim bel blong mi hat olgeta na mi no slip gut go tulait.

Pastaim kendidet tok, sapos mi win, K500,000 diskresen fan bilong memba em bilong yupela haus lain bilong mi stret. Yupela ol mama laik kaikai lemples em nating tru. Yupela ol papa laik raun long sip na kisim win long solwara, em nating tru.

Mi lap nogut tru long bel bi-

long mi bikos em tru tru kain toktok bilong ileksen kempen ya. Nogat wanpela i toktok stret long polisi na plen bilong em long wanem as na em laik sanap long ileksen.

Sapos em win, em bai mekim wanem stret long stretim hevi na wari bilong ol pipel.

Ol kendidet ya i pulap long nois na musik tasol long spika na raun long kar na mekim mauswara toktok tasol long ol pipel.

Narapela wari tu em ol no gat rispek long Sande we em taim bilong lotu na ol dispela kendidet tu mas malolo na go long lotu. Sapos ol i Kristen na save long pasin bilong lotu orait ol mas go lotu na noken pulim lain na bikmaus raun long rot wantaim kar na spika.

Oloman, las wik Sande mipela i no kisim gut Gutnius we pasto i wok long autim bikos nois bilong kempen ya winim stret bikos spika bilong ol em antap tru. Sapos ol kendidet ya ol

lain bilong prèt long God na rispek long lotu orait ol no inap mekim olsem. Yumi laik makim ol lida we ol ken pret long God na bihainim Kristen pasin. Ol dispela kain lida tasol inap pretim God na sevim gut ol pipel bilong God. Sapos ol no dispela kain lain, maski, lusim tingting long ol bikos ol save long mekim nois nating na nogat luksave long Sande we em de bilong lotu na givim biknem long God. Ol lain husat save pret long God tasol i save luksave na bihainim dispela.

Mi yet wantaim famili bilong mi na husat ol pren na haus lain klostu long mipela i pasim tok pinis olsem mipela no inap tru long votim ol dispela kendidet we i raun long nait na bagarapim slip bilong mipela ol famili wantaim nois bilong ol na kainkain pasin na eksen na giman mauswara bilong ol. Ol mekim olsem wanpela praiwet bisnis bilong ol na mipela arapela nogat.

WANTOK KOMENTRI

Sampela kendidet ting yumi longlong yet

SAPOS yu no save long tingting bilong man, bai yu no inap save long laik bilong em long yu.

Tru o nogat?

Planti ol kendidet nau i sanap, i mas tingting long resis, na mani ol i ken bungim sapos ol i winim ileksen. Ol i no tingting long givim sevis long yumi, pipel.

Kempen i ron, na kain kain tingting i wok kamap ples klia.

Bikpela astok, bai yu harim, em ol em ol 'eksen' lain. Ol i no man bilong sindaun nating. Ol i manmeri bilong mekim wok na kamapim samting.

I gat ol arapela kendidet i wok long tok promis long givim lemfleps, balus tiket, na kain kain samting long ol manmeri, sapos ol i votim ol.

Ol dispela lida, i nogat mining bilong ol.

Yu ken mekim bikpela wok pinis long komyuniti, na yu ken bungim bikpela hap mani. Tasol hait tingting na pasin bilong yu, bai no inap hait olgeta baksait long ol suga toktok yu tromoi.

Nogat.

Olgeta pekato bilong yu bai kamap ples klia yet. Na noken ting olsem ol mipela i wankain olsem bipo long las ileksen.

Long las ileksen, mobail fon i no bin bikpela olsem long mak em i stap nau.

Long las ileksen, ol manmeri i no bin inap long kisim infomesen na stori long pasin bilong manmeri na trupela lida.

Nau, mipela i skul pinis.

Bikpela mak bilong ol vota tude, i save long luksave long hait toktok na pasin.

I tru korapsen nau i wok long bihainim kain kain lekhan. Tasol pait agensim korapsen tu i wok long bungim ol sapota.

Na nau, pasin bilong grisim manmeri wantaim K50 o K100, i nogat lek bilong en.

Olsem na em bai no inap wokabaut strong moa.

Sapos yu lida tru, na sapos yu bilip long givim sevis long pipel, bai sindaun bilong ol i orait, na bilong strongim kantri bilong yumi.

Yu mas tok stret. Maski yu no mani man, o mani meri. Sapos yu trupela manmeri, bai yu ken pulim tingting bilong ol pipel i laikim gutpela pasin, gutpela senis, na gutpela lidasip.

Noken mauswara nating na promisim ol manmeri long lemfleps na kago.

Mipela pipel no longlong olsem bipo.

Mipela bai was long yu olsem lida, na mipela bai sekim wok bilong yu.

WANTOK

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500 Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Neville Choi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 50%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Raun wantaim Kanage olgeta wik



NEM: Berthlyn Huaffe
KRISMAS: 16(Meri)
ADRES: Passam Primary school, P.O. Box 521, Wewak East Sepik Provins
SAVE LAIKIM: Harim musik, pilai soka, pilai volibol mekim pani, kisim wara, watsim TV na ritim Baibel

NEM: Jimmy N. Nimms
KRISMAS: 19 (man)
ADRES: Kilipau village, P. O. Box 56, Vanimo Sandaun Provins
SAVE LAIKIM: Raitim pas, ritim buk, harim musik, ring long Fon na senisim presen.

NEM: Rodney Wauku
KRISMAS: 25 (man)
ADRES: C/- Andrew Api Vanimo CIS, PO Box 124, Vanimo Sandaun Provins
SAVE LAIKIM: Harim musik, pilai soka, watsim TV, swimming na painim stori

NEM: Jason Sull
KRISMAS: 40 (Man)
ADRES: P.O. Box 248, Madang - Madang Provins
SAVE LAIKIM: Ritim Niuspepa, harim musik, kukim kaikai, wasim kolos, wokabout, trevol go kam long bisnis insait long PNG na painim poromeri long stap wantaim oltaim. Yu ken ring long dispela namba, 7272 2843.

NEM: Jimmy Ekoda
KRISMAS: 20 (man)
ADRES: Sangara Vocational School, P O Box 170, Popondetta, Oro Provins
SAVE LAIKIM: Go lotu, pilai soka, pilai volibal, painim wanpela meri long maritim na stap wantaim oltaim.

NEM: Joe .K
KRISMAS: 24 (man)
ADRES: P O Box 1289, Goroka, EHP - 7360 3650
SAVE LAIKIM: Go lotu, pilai musik singim song, pilai spots, mekim pren na planti mo.

NEM: Gima Target
KRISMAS: 20 (meri)
ADRES: Bugandi Secondary School, PO Box 1225, Lae Morobe Provins
SAVE LAIKIM: Go lotu, ridim Baibel, mekim pren wantaim ol lotu manmeri, pilai ragbi, volibol and watsim TV(News)

NEM: Presley Tai
KRISMAS: 20 (Man)
ADRES: PO Box 28, Mondomil Minj, Jiwaka Provins
SAVE LAIKIM: Go lotu, ritim Baibel, ritim buk, stadi skul wok, pilai ragbi, harim musik na mekim poroman wantaim arapela.

NEM: Belany Haikope
KRISMAS: 19
ADRES: Don Bosco Araimiri Secondary, PO Box 159, Kerema Gulf Provins
SAVE LAIKIM: Ritim buks, pilai gems, go lotu long Sande, mekim pani wantaim poroman

NEM: Bunau Dadis
KRISMAS: 31 (man)
ADRES: Raibus Security Service Ltd, PO Box 1337, Madang, Madang Provins - 7146 7257
SAVE LAIKIM: Go danis, Lukim TV, harim musik na painim gutpela poromeri long stap wantaim oltaim.

Nupela pes Kanage

Wanpela taim Kanage igo raun long ailan Karkar long Madang Provins. Kanage go stap long Karkar Kulili maket na tripela yangpela meri Karkar ol i go kolostu tru long Kanage na tok, "Papa yu nupela pes ya!" yu kam we? Kanage tok; mi kam long Lae. Ol tripela meri tok, kam na yumi igo long hauslain bilong mipela. Namel long rot, ol askim Kanage na tok; Papa yu save long koapim kulau o nogat? Kanage tokim ol, Papa bilong mi ino lainim mi long dispela. Ol tripela meri tok, Papa mipela tok long kokonas kulau na yu kisim narapela tingting ah? Mi man bilong aburusim ol trabol, ol merit ok yu strongpela man ya! Ol lap indai.. Kanage tok, yupela tok stret long go antap long kokonas kulau bai mi save, ol arapela tokpisin mi no wanbel na mi ino inap. Ol tripela meri lap bikmaus tumas na tok, " Papa yu rait man stret ya!"

Kombe Pinai Wabag, Enga Provins



Rais i no kuk yet...

KANAGE i stap wantaim meri bilong em longpela taim nau. Wanpela apinun, meri bilong Kanage i redim pot kaikai na putim long paia. Meri hariap i go waswas bikos em ples i hot. Em tokim Kanage long was long pot kaikai long paia. Em i go waswas na em lus tingting long kisim sop. Em i go bek long haus long kisim sop. Em i go antap long kisim sop na lek bilong em i wel na turangu hariap holim sait long haus. Tasol taul i lus. Kanage lukim olsem na em i opim ai na tok, "Aiyoo...., rais i no kuk yet na Ox & Palm op pinis...".

Soulist Raiiozts Madang

Kros long beltait

WANPELA moning, papa Kanage go wok long gaden. Em wok i go na hangere kisim em. Em kam bek long haus

na meri bilong em skelim kaikai bilong em. Kanage kaikai pinis na em tokim meri na pikinini meri bilong em, "yu tupela i go na karim ol paiauwat mi brukim pinis na i stap long gaden". Pikinini meri bilong em les. Papa Kanage belhat na em tokim em, "Yu les long wanem! Bai yu stap tasol olsem! Bihain yu marit, man bilong yu bai mekimsave long yu long dispela kain pasin". Mama harim Kanage hatim pikinini meri na em tokim Kanage, "Inap ya! Maski long kros". Papa Kanage tanim em tokim mama, "Mi gat rait long kros na skulim em long wok. Yu noken tokim mi long pasim maus. Yu tupela les long mi kros, orait, yu tupela i go na painim rot long kaikai na kisim mani!"

P Posou Manus

Ol skwat!
Salim ol gutpela Kanage tok pilai i kam long: Kanage Tok Pilai P.O. Box 1982, Boroko, NCD Port Moresby.
Email: atolire@wantok.com.pg

No mekim bikpela wok, tasol bai kamap ris

Dia Laipain

Mi kisim pinis planti pas long wanpela fainensel institusen bilong ovasis i askim mi long kamap wanpela memba. Papa bilong institusen i rait pinis long mi 5-pela taim, taim mi no givim bekim long askim bilong em long mi salim K10,000 i go long em. Em i laikim bai mi transferim dispela mani i go long beng akaun bilong em.

Taim mi salim pinis mani long beng na mi kamap fainensel memba, bai mi kisim US\$1 milion. Mi no klia sapos bai mi salim mani o bilip long ol kain pas i kam long ovasis institusen.

Mi laikim stia tok bilong yu long helpim mi long mekim disisen bilong mi.

TRUTH SEEKER

Dia Pren

MIPELA i wari long harim dispela long yu na yu paul long dispela kain promis olsem bai yu kisim bikpela mani na kamap ris kwiktai long PNG na ovasis. Mipela i harim pinis na i wok long harim yet long sampela ol fainensel skim bilong ovasis i laikim bai ol PNG i go insait long ogenaisesen bilong ol. Em i wok long kamap long kantri bilong yumi tu.

Mipela i bilip olsem man i laki long mekim bikpela mani hariap long sotpela taim. Tasol pastaim, glasim ol pas yu kisim na ol promis long kisim bikpela mani bihain tasol yu peim K10,000.

Pren, bipo yu go het long huk ap wantaim ol o nogat, mipela i laik putim sampela askim long yu.

Dispela fainensel institusen i bin kisim nem na etres bilong yu olsem anem na ol i wok long salim ol pas i kam long yu? Taim yu ritim ol dispela pas, yu save gat wanem kain tingting?

Sapos yu tromoim K10,000, yu bilip olsem bai yu kisim mani ol i promisim yu long en? Yu save tu long ol narapela



lain i bin go insait long kain skim olsem na em i kisim mani we skim i promisim ol long en?

Wanem samting bai kamap sapos yu salim K10,000 long dispela kain skim tasol yu no kisim mani we ol i promisim yu long en?

Long dispela kain skim long PNG o long ovasis we ol i save promisim bikpela mani, mipela i askim yu sapos yu ken karimaut wok painim long em bipo yu go het na salim mani bilong yu i go long ol. Mipela i wok long lukim planti lain husat i bilip olsem dispela em i rot long mekim planti mani na kamap ris hariap.

Sori, tasol em i tru na planti lain long PNG i bungim hevi long ol dispela kain mani skim. Yu laik kamap wanpela bilong ol? Mipela i givim yu sampela eksampel long ol dispela, kain olsem U-Vistrak, Mani Rain na ol narapela moai kamap pinis long PNG. Ol i stap we nau? Sapos yu no laik go insait long ol dispela kwik mani bisnis, mipela i tokim yu nau long lus tingting long salim mani bilong yu long kain mani skim ovasis.

Yu no wok long bekim ol pas bilong ol i min olsem samting i wok long tokim yu long nokenna ol samting i no tru. Tasol mipela i tokim yu long glasim gut wanpela moa taim wanem samting yu laik mekim wantaim mani bilong yu.

Pren, yu yet yu save hau yu kisim mani na i moabeta yu yusim dispela mani long kisim gutpela samting long laip bilong yu na ol narapela lain famili

bilong yu.

Mipela i save olsem i no olgeta fainensel institusen long PNG na ovasis i no gutpela. Tu, mipela i luksave olsem planti ol kain skim i kamap long PNG na wol tude. Na sampela bilong ol i gutpela na sampela i nogat.

Long dispela na Gavana bilong Beng bilong PNG i save putim ol publik awenes long ol mani skim bisnis, wanem ol i trupela na wanem bai yumi mas lukaut long ol. Tasol maski ol tok lukaut olsem i kamap, pipel i no harim tok na ol i go het joinim ol skim na tude, ol i weit yet na pre i stap long kisim kaikai bilong ol long ol mani skim.

Mipela i strongim yu long save long Papa God husat i bilip long ol dispela husat i wok hat long kaikai wantaim mani ol i hat wok long kisim. Tasol em i no save givim blesing long ol lesman.

Las em ,yu gat mani tasol i moabeta yu tingting gut na investim gut mani bilong yu na yu na famili bilong yu bai kisim gutpela blesing.

Mipela i lusim yu wantaim dispela Baibel Ves long Buk bilong Provebs Sapta 20 es 18. Em i tok "Kisim gutpela stiatok na bai yu mekim gut, noken go long pait sapos yu no wokim plen". I moabeta yu kisim helpim long wanpela fainensel institusen long kisim stia long rot we yu ken yusim mani bilong yu we yu wok hat long kisim.

God i ken givim yu gutpela save.

Laipain

Sapos yu gat wari, rait i kam long Lifeline, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.
Laipain



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanpela singsing blong bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - NIUS - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

Raun wantaim Wantok kru ...

SP Musik konsert pulim planti manmeri

Nicky Bernard i raitim

NEM bilong ol ben tasol i mekim na SP musik konsert i kamap bikipela long dispela yia. SP Musik konsert em SP Bruri save kamapim aninit long bren nem bilong ol prodak bilong ol, SP Laga.

SP laga i bringim musik konsert klostu 3-pela yia nau, na dispela i wok long go bikipela na bikipela moa yet.

Long Sarere go pinis, SP laga i bringim wanpela olupela ben bilong Papua Niugini kam pilai long Mosbi, BARIKE ben em wanpela long ol olupela ben in-

sait long kantri. Sampela long ol musik na singsing bilong ol i wok long pairap yet long ol redio stesen bilong yumi. Barike i mekim kam bek bilong ol wantaim ol yangpela mangi we papa bilong ol save pilai long dispela ben.

Dispela yia SP laga i bringim foapela ben tasol long pilai long dispela konsert bilong ol, planti manmeri go bung long dispela nait long wanem ol i bihainim feveret ben bilong ol long lukim ol pilai laiv.

Dispela SP Musik konsert SP Bruri bring kam aut long amamasim tu 60 yia bilong ol long mekim Bia long Papua Niugini.



Tupela yangpela husat papa bilong tupela save pilai ben wantaim Barike, pikinini bilong Glen Low long bes gita na pikinini bilong Donald Lesley long kibod.



Barike ben bilong Rabaul.



Radaaz ben. Nupela albam bilong ol bai kam aut long tupela wik taim.

EMTV Television Guide

FONDE 14 Jun, 2012

5:00 AM G JOYCE MEYER.
5:30 AM G TODAY
9:00 AM G CLASSROOM BROADCAST
9:00 - 9:40 GRADE 7 MATHEMATICS

9:00 PM G SOCCER EXTRA
9:08 PM G HOT SPOT
9:30 PM G NRL FOOTY SHOW
11:00 PM G ELITE MUSIC ZONE

FRAIDE 15 Jun, 2012

5:00 AM G JOYCE MEYER
5:30 AM G TODAY
9:00 AM G CLASSROOM BROADCAST
9:00 - 9:40 GRADE 7 MATHEMATICS

4:30PM - KITCHEN WHIZ
4:57 PM G EMTV TOKSAVE
5:00 PM G HOT SOURCE
5:30 PM G THE MILLIONAIRE

SARERE 16 Jun, 2012

6:00 AM STATION OPENS
7:00 AM G WAYBULOO
7:30 AM UNTIMATE GUINNESS WORLD RECORDS

7:30 PM G NRL ROUND 11
Cowboys vs. Panthers
9:30 PM G SUPER 15 RUGBY
Highlanders vs. Bulls "Replay"

SANDE 17 Jun, 2012

5:00 AM G SUPER 15 RUGBY
Crusaders vs. Blues "Repeat"
7:00 AM G HILLSONG
7:30 AM G CHIT CHAT

4:00 PM G NRL ROUND 11
Dragons vs. Rabbitohs
6:00 PM G NATIONAL EMTV NEWS
6:30 PM G MOTU GADODIA

MANDE 18 Jun, 2012

5:00 AM G JOYCE MEYER.
5:30 AM G TODAY
9:00 AM G CLASSROOM BROADCAST
9:00 - 9:40 GRADE 7 MATHEMATICS

TORO



BIABIA



KANAGE



TOKWIN

Ren bagarapim posta
PLANTI ol posta bilong ol kenidet long Pot Mosbi i bin wet long tupela de ren, dispela ol posta ol mekim long pepa, plani bilong ol ren i bagarapim nogut tru.
Dispela em mak bilong yusim narapela mani gen long mekim nupela, na taim bilong kepen tu em sot nau na planti ol kenidet wok traim long karamapim bipele hap ples long kisim vot bilong ol manmeri.
Dispela ren long Mosbi bin wasim

pes bilong ol kenidet gut tru wantaim posta bilong ol, planti manmeri long rot i tok larim ren wasim pes bilong ol, taim bilong ileksen yumi lukim kainkain pes na taim ileksen pinis dispela ol pes ya bai go hait na ren no inap wasim ol gen.
Gutpela toktok kam long kempen
OL kenidet i wok long mekim ol gutpela toktok long taim bilong kepen, tasol ol dispela toktok bai karim kaikai bilong em sapos ol win long go long Waigani?
Dispela em bai askim bilong yumi

ol wanwan manmeri, dispela liklik piga bilong yumi ol lain bai makim long tupela minit tasol na namba yu kamapim pinis long vot. Dispela em no longpela taim laka, tasol dispela wari na laikim bilong long sevis yu ting bai yu kisim long tupela minit olsem yu makim piga bilong yu.
Tingting na save stap long yumi wanwan manmeri, na sapos tingting bilong yumi orait na mak bilong vot bilong yumi orait kaikai bilong em bai kam long tupela minit tasol sapos askim bilong yumi go long dispela man o meri yumi makim.

A	I	R	N	I	U	6	I	N	I	E	S	K	A	6	O	A
H	U	R	T	S	H	N	M	O	L	Y	U	E	R	C	R	I
P	S	E	S	I	A	L	E	T	W	R	Y	I	P	I	L	R
L	I	E	X	F	S	D	E	R	V	V	S	X	A	J	H	L
A	I	S	K	H	J	K	L	O	P	K	U	N	B	N	S	I
S	E	I	U	I	T	F	D	S	R	E	O	O	I	P	U	N
B	C	F	P	R	N	E	Y	U	F	I	S	P	A	R	K	T
A	I	P	O	J	R	E	W	S	T	S	F	6	I	K	K	S
L	T	O	L	U	A	F	R	A	S	I	T	E	E	L	E	P
U	I	N	I	6	H	K	N	V	D	R	K	U	O	I	S	N
S	R	K	H	D	S	S	E	E	W	T	T	E	P	O	I	6
E	U	D	R	S	D	C	V	T	N	M	E	T	T	O	P	S
R	Y	E	Y	N	N	J	K	L	O	P	K	C	V	R	I	E
T	K	O	A	P	L	K	N	B	D	R	S	I	A	E	A	R
I	E	L	S	T	P	A	I	L	O	T	I	U	I	L	Y	M
W	S	E	A	R	T	Y	I	N	E	R	B	A	L	U	S	A
I	K	L	J	I	U	S	P	E	A	H	O	S	T	E	S	F

Painim ol dispela toktok bilong ron long balus:

BALUS	AIR NIUGINI	AIRLINES PNG	MAF
ISLANDS NATIONAIR	PLES BALUS	KAGO	TI
KOPI	JIUS	BISKET	SIA LET
SIA	TIKET	SEKIN	SEKYURITI
LAIP JAKET	EA HOSTES	PALOT	SUTKES

2	4	9	6	1	5
3			8		
8	1			4	9
7		1	4		3
	3		9	2	
9	6		3	2	1
2	7			3	6
			7		1
3	6	1	4	8	

2	7	4	9	6	3	1	8	5
5	3	9	4	8	1	7	2	6
6	8	1	5	2	7	4	9	3
7	5	2	1	4	8	6	3	9
4	1	3	6	9	5	2	7	8
9	6	8	7	3	2	5	4	1
1	2	7	8	5	9	3	6	4
8	4	5	3	7	6	9	1	2
3	9	6	2	1	4	8	5	7

Ansa bilong las wik Sudoku

T	A	R	A	B	A	U	B	I	L	O	N	A	I	T
				S										
K				E				K	U	M	U	L		P
A				K	A	L	A	N	G	A	R			I
K								A					S	
A				K	O	K	O	M	O			S	I	K
R				T							A	N	K	O
G	U	R	I	A	A			R					A	K
K							R	6					P	I
								A					P	I
								P	A	T	O	L	6	B
I								O	E				A	A
A								K	P				U	L
N								T	T				K	A
A								O	I				K	A
K								A					S	
W								S	U	B	6	N	O	L

Ansa bilong las wik Pasol

EMTV Television Guide

12:05 PM AUSTRALIAN NETWORK
1PM - 3PM G CLASSROOM BROADCASTS continues.....
1:00 - 1:40 GRADE 6 MATHEMATICS
1:50 - 2:30 GRADE 6 SCIENCE
2:30 - 3:00 DEPI
3:00 PM G KIDS KONA
3:00PM - DORA THE EXPLORER
3:30PM - NEW MACDONALD'S FARM
4:00PM - THE SHAK
4:30PM - KITCHEN WHIZ
4:57 PM EMTV TOKSAVE
5:00 PM G HOT SOURCE
5:30 PM G MILLIONAIRE HOT SEAT
5:55 PM CRIME STOPPERS
6:00 PM G NATIONAL EMTV NEWS
7:00 PM G NRL ROUND# 10
Panthers vs. Dragons - Live/CH.9
8:57 PM G EMTV TOKSAVE
9:00 PM G TOK PIKSA
9:30 PM G SPORTS SCENE
10:00 PM G SUPER 15 RUGBY

Reds vs. Chiefs "Replay"
12:00 AM G EMTV NEWS REPLAY
1:00 AM AUSTRALIAN NETWORK

TUNDE 19 Jun, 2012

5:00 AM G JOYCE MEYER.
5:30 AM G TODAY
9:00 AM G CLASSROOM BROADCAST
9:00 - 9:40 GRADE 7 MATHEMATICS
9:50 - 10:30 GRADE 7 SCIENCE
10:40 - 11:15 GRADE 8 MATHS
11:20 - 12:00 GRADE 8 SCIENCE
12:00 AM G MIDDAY NEWS UPDATE
12:30 PM G AUSTRALIAN NETWORK
1PM - 3PM CLASSROOM BROADCASTS continues.....
1:00 - 1:40 GRADE 6 MATHEMATICS
1:50 - 2:30 GRADE 6 SCIENCE
2:30 - 3:00 DEPI
3:00 PM G KIDS KONA
3:00PM - DORA THE EXPLORER

3:30PM - NEW MACDONALD'S FARM
4:00PM - THE SHAK
4:30PM - KITCHEN WHIZ
4:57 PM G EMTV TOKSAVE
5:00 PM G HOT SOURCE
5:30 PM G MILLIONAIRE HOT SEAT
6:00 PM G NATIONAL EMTV NEWS
7:00 PM G HAUS & HOME
7:27 PM G EMTV TOKSAVE
7:30 PM THE VOICE S1
Performances Part 1
9:30 PM G FUNNIEST HOME VIDEO SHOW
10:30 PM EMTV NEWS REPLAY
12:00 PM Australia Network

TRINDE 20 Jun, 2012

5:00 AM G JOYCE MEYER.
5:30 AM G TODAY
9:00 AM G CLASSROOM BROADCAST
9:00 - 9:40 GRADE 7 MATHEMATICS

9:50 - 10:30 GRADE 7 SCIENCE
10:40 - 11:15 GRADE 8 MATHS
11:20 - 12:00 GRADE 8 SCIENCE
12:00 AM G MIDDAY NEWS UPDATE
12:30 PM G AUSTRALIAN NETWORK
1PM - 3PM CLASSROOM BROADCASTS continues.....
1:00 - 1:40 GRADE 6 MATHEMATICS
1:50 - 2:30 GRADE 6 SCIENCE
2:30 - 3:00 DEPI
3:00 PM G KIDS KONA
3:00PM - DORA THE EXPLORER
3:30PM - NEW MACDONALD'S FARM
4:00PM - THE SHAK
4:30PM - MR. MAKER
4:57 PM G EMTV TOKSAVE
5:00 PM G HOT SOURCE
5:30 PM G MILLIONAIRE HOT SEAT
557 PM G CRIME STOPPER
6:00 PM G NATIONAL EMTV NEWS
7:00 PM G THE WORLD AROUND US - The War Reporter
8:00 PM G ULTIMATE GUINEAS WORLD RECORD

8:30 PM G THE SECRET MILLIONAIRE S1 - EP#6/6
9:30 PM SURVIVOR Returns.....One World
The 24th Edition of the reality series strands 18 castaways on a single Samoan beach, where they are divided into all-male and all-female tribes to vie for the \$1 million top prize.
10:27 PM G EMTV TOKSAVE
10:00 PM G NRL ROUND 10 HIGHLIGHTS
10:30 PM G EMTV NEWS REPLAY
11:30 PM - Australia Network - NEWS REPLAY

Program bai senis long taim bilong en..

PNGSDP laik kamapim Purari Haidro

Aja Alex Potabe i raitim

PNG Sustainable Development Limited (SDP) bai mekim wanpela bikpela haidro pawa stesen long Wara Purari long Galp Provins.

Siaman bilong PNGSDP, Profesa Ross Garnaut, i tok dispela haidro bai kamap bikpela haidro stret bikos em bai winim Yonki Haidro long Isten Hailans o Rauna Haidro long Sentral Provins.

Em i tok PNGSDP i kamapim pinis wanpela join vensa kampani wantaim Origin Energy bilong Australia long kamapim dispela nupela haidro.

Dispela nupela join vensa kampani em i ol i kolim PNG Energy Developmen Ltd (PNGEDL). Purari haidro bai saplaim moa long 3, 000 mega wat (MW) pawa i go long Austaralia, PNG na insait long Gulp na Westen

Provins yet.

PNGEDL i nau mekim ol fisibiliti stadi long kamapim dispela bikpela na nupela haidro projek, we moa long 1, 800 MW pawa bai go aninit long solwara i go olsem long Tores Stret, na i go kamap long Queensland, Australia.

"Nau yet mipela i mekim ol fisibiliti stadi bilong dispela bikepla projek. Mipela i mekim ol fisibiliti stadi long enjiniring, ekonomik, na eneji.

"Taim dispela ol 3-pela stadi i pinis, i luk olsem bai mipela wetim laspela tok orait i kam long Gavman bilong Australia na PNG long larim dispela projek i go het tasol," Profesa Ross Garnaut, i tok.

Taim ol planti petroleum projek i kamap long Gulf na Westen Provins, dispela projek bai kamap wanpela namba wan projek long saplaim pawa bikos pawa em i namba wan samting bilong kamapim ol dispela kain projek.

PNGSDP i gat ol arapela MoA long kamapim ol nupela projek long kamapim pawa tu wantaim ol sampela petroleum kampani i stap insait long Westen Provins yet.

"Mipela i gat MoA wantaim Horizon Oil na Talisman Energy. Dispela tupela kampani i gat ol operesen bilong tupela insait long Westen Provins yet, na aninit long dispela MoA, mipela i ting ting long kamapim ol arapela pawa stesen tu," Profesa Garnaut i tok.

PNGSDP i ting ting long kamapim narapela nupela pawa stesen long ges, we Horizon Oil na Talisman Energy bai kisim long Stanley na Elavala gas fil long Westen Provins.

Disepla ges pawa stesen i ken salplaim pawa i go long Tabubil na Kiunga na sampela hap bilong Hela na Sauten Hailans Provins, we ol ges projek i wok long kamap.

Jackson's Ples Balus bai kamap bikpela

PRAIM MINISTA Peter O'Neill i brukim graun bilong mekim nupela ples bilong balus bai kam stop long Jackson's Ples Balus.

O'Neill i tok dispela projek em i gutpela tru long larim ikonomi bilong dispela kantri i groa moa.

"Taim yumi gat moa balus i go i kam long dispela ples balus, em i gutpela taim long surukim ples balus. Na mi amamas long brukim dispela

graun bikos em i gutpela taim stret long larim ikonomi i groa moa.

"Mi laik tok tenkyu long Esian Divoiipmen Benk long fanim 480 milian US dola long karamapim dispela projek, na tu long ol arapela halivim ol i save givim long kirapim kantri bilong yumi," em i tok.

O'Neill i tok gavman bilong en bai larim ol arapela projek tu long kantri i kamap gut.

"Planti taim mipela i no save siom sapot, na mipela i no save givim ol kauntapat fanning, na mipela i no save larim ol samting i kamap long taim stret. Sapos em i kamap long taim stret, ikonomi bilong kantri bai groa," O'Neill i tok.

Bihain long en, O'Neill i digim graun wantaim greta masin long makim graun bruk seremoni long kamapim dispela projek.

Telikom skulim ol menesa

Telikom PNG Ltd i skulim ol menesa bilong en long larim ol i karim dispela kampani i go het long narapela level.

Las wik Fraide 19-pela menesa na ol tim lida bilong wan-wan divisen i bin greduet wantaim Diploma in Telekomyunikesens i kam long Commonwealth Telecommunications Organization (CTO).

Ol i bin skul na kisim trening insait long 6-pela wik we, CTO i bin skulim ol long

save bilong luksautim ol telepon kampani olsem Telikom.

Eking CEO bilong Telikom PNG, Charles Litau, i tok dispela trening bai nau mekim ol namel menesa na tim lida i stap long gutpela mak long mekim gutpela disisen na wok hat long kisim dispela kampani i go antap long narapela level.

"As bilong dispela trening program em long kamapim ol strongpela lida long kamapim ol gol bilong

Telikom," Litau i tok.

Het bilong Humen Risos, Chris Terupo, i tok dispela kain staf trening em i gutpela long long kamapim ol strongpela save manmeri long groim bisnis.

"Dispela em i bikpela namba bilong wok manmeri bilong Telikom long kisim dispela trening, na mipela i amamas long lukim 3-pela meri, hsuat i menesa tu, i kisim dispela trening," Terupo i tok.



WARA PURARI...PNGSDP bai kamapim bikpela Purari Haidro Pawa Stesen long Wara Purari, na saplaim 3, 000MW pawa long PNG na Australia wantaim. Wantok Fail Poto



PNG POWER Ltd

Ol Pawa Blekaut long Lae

PNG Power i laik tok sori long ol kastoma bilong en long Lae siti long ol pawa blekaut i kamap long Tunde na Trinde dispela wik.

Ol dispela blekaut i bin kamap bikos i gat hevi long ol jenereta long Ramu pawa jeneresen fektori.

Pawa saplai nau i ron gut gen, na long namel taim, wanpela tim long ol PNG Power wokman na teknikal saveman i go pinis long Ramu long painimaut moa long dispela hevi, na stretim.

Tim i gat ol bikpela saveman long transmisen na jenereting masin we PNG Power Jeneral Menesa bilong Sistem Operesens i go pas long ol. Ol saveman i kam long Japan long halivim.

Taim asua i klia, ol kastoma bilong PNG Power bai kisim toksave long ol dispela wok painimaut.

Ol Lae siti manmeri i mas ringim PNG Power Lae kastoma sevis opis long 472 2544 sapos yu wok long bungim hevi yet long pawa blekaut.

TOKSAVE I KAM LONG PPL MENESMEN

Polis bai lukautim LNG Projek sait

Aja Alex Potabe i raitim

OLGETA maining na petroleum investa i noken pret long dispela ileksen taim bikos polis bai lukautim olgeta bikipela bisnis insait long kantri, nupela Intenal Sekyuriti, Minista Moses Maladina, i tok.

Maladina i tok 5-pela polis mobail skwat yunit bai lukautim ol bikipela projek olsem PNG LNG Projek na ol arapela maining insait long kantri.

"Mi laik tokim ol bikipela kampani na investa long kantri long noken pret bikos ol polisman bai lukautim ol projek sait na putim was long bisnis bilong ol.

"Bihain long tupela wik, bai mi go lukluk raun long ol projek sait long larim ol investa bilong yumi i stap seif. Moa long 30 o 40 polisman bai stap long putim was long ol investa long maining na petroleum projek sait.

"Bai mipela i salim ol Spesol Sevis Divisen (SSD) i go long LNG Projek sait long Hela na Sauten Hailans, Ok Tedi Maining, Porgera na ol arapela bikipela maining long kantri," Maladina i tok.

Em i tok ol arapela bisnis manmeri tu i noken pret bikos polisman bai mekim wok long lukautim ol long mekim bisnis gut.

"Ol foren investa na bisnis manmeri i mekim na ikonomi bilong kantri i ron gut.

O'Neill-Namah gavman bai putim sefti bilong ol foren investa na bisnis manmeri i go pas. Bisnis i mas go het bikos gavman em i stap long sapotim yupela," Maladina i tok.



Moses Maladina

PNG Pawa givim long Pot Mosbi Kensa Rilif Sosaiti

PNG Pawa Ltd i givim moa long K8, 000 i go long Pot Mosbi Kensa Rilif Sosaiti (POMCRS).

PNG Pawa i bin mekim wanpela fanresing long Mei, we ol i bin mekim K3,158, na antap long dispela, ol bot na menesmen i givim K5,000 gen.

CEO Tony Koiri i tok kampani i amamas wantaim dispela mani long helpim ol manmeri husat i gat sik kensa.

"Mipela i amamas long luk-save long ol dispela kain manmeri husat i nidim helpim," Koiri i tok.

Koiri i tok PNG Pawa i save givim helpim long Frens Faundesen na Chesire Homes, na nau em i amamas long mekim poroman wantaim POMCRS.

Moa long 15, 000 manmeri PNG i save kisim sik kensa olgeta yia, na planti bilong ol em i ol meri.

POMCRS Administrata

Ascenate Asi i tok tenkyu long PNG Pawa long luk-save long gutpela wok ol i wok long mekim long daunim sik kensa.

Dispela mani bai helpim ron bilong POMCRS, na kain helpim bilong PNG Pawa i ken stretim gut ol samting bilong long rausim sik kensa.

Asi i tok POMCRS i save helpim ol wok bilong dokta na nes long luksautim ol kensa sik manmeri long Pot Mosbi Jeneral Haus Sik.



GIVIM MANI...PNG Pawa CEO, Tony Koiri i givim K8, 000 sek long POMCRS Administrata, Ascenate Asi.



TOKSAVE

Toksav lo olgeta Publik olsem mipla kamapim niupela sevis kam lo upla weh ol i kolim MiCash: Mobile Money.

Dispela MiCash Sevis em bai yu gat akaunt weh yu ken kontrolim na yusim moni blo yu tru lo yus blo mobile phone blo yu.

Ol sevis MiCash i providim em:

- Salim moni
- Putim moni na Rausim moni (Deposit and Withdrawal)
- Digicel Top Up
- Sekim balens
- Kisim dinau moni

Dispela sevis em nogat moni mark weh ol save rausim olgeta mun. Na tu yu ken rausim moni inap balens blo yu em go zero.

Sapos yu gat pasbuk akaunt wantem mipela, yu ken kam wantam K10.00 na pasbuk blo yu lo Nationwide Microbank ofis na opim Akount.

Sapos yu nogat pasbuk akaunt wantem mipela, yu ken opim akaunt wantem I.D kod or Referens leta na K25 lo Nationwide Microbank ofis or ol Agent blo mipela.

Lo kisim mo toktok lo dispela MiCash sevis, kam visitim Nationwide Microbank Branch, or kolim kastoma sevis line blo mipela lo digicel

16789(FREE)



www.microbank.com.pg

AIRLINES PNG

Moa sans, planti moa taim

Port Moresby ↔ Mt Hagen *na kam bek*

*** Tupla taim-olgeta dei.**

Port Moresby ↔ Daru *na kam bek*

*** Olgeta dei.**

Dash 8 balus tasol

Port Moresby ↔ Lae ↔ Kimbe ↔ Kokopo *na kam bek*

*** Olgeta dei.**

*** Taim tebol blong ron blong balus bai stat long June 18**

Ringim 16111 o lukim long www.apng.com



COME FLY OUR WAY

PORT MORESBY - Level 1, Pacific Place, 321 3400

MT. HAGEN - Central Highlands Printers, 542 0662

- Kagamuga Airport, 542 2732

LAE - Micro Bank Haus, Fifth Street, 479 5980

POPONDETTA - Top Town (opp. Memorial Park), 629 5980

ALOTAU - Preston White Street, 641 1288

GOROKA - Airport, 532 2532

TABUBIL - Airport, 649 9171

KIUNGA - Airport, 649 1125

MADANG - Global Travel, 422 0011

KIMBE - Travel Line Limited, 717 42306

RABAUL - Rabaul Hotel, 982 1999

Simberi Gold mekim komyuniti edukesen senta

'Tingting gen, laip i no hat'

i kam long pes 1

Graun em i stap, wok bilong en na laip, em bai no inap hat olsem Mama Helen Sase, husat em wanpela lokol fama long Boda viles Ifiufa, long Isten Hailans, i painimaut.

Olsem wanpela meri fama, Mama Helen i save wok hat long graun na kamapim ol gutpela kaikai olsem ol kerot, kaukau, kon, banana, tapiok, na pinat.

Dispela ol kaikai long fam

bilong em, i save holim na famili bilong em. Long dispela, Helen i save lukautim sindaun bilong famili bilong em long tupela rot:

Ol i save kisim ol kaikai long gaden bilong ol; na

Em i save kisim dispela ol kaikai i go long maket na salim long kisim mani.

Sapos yumi les long mekim wok long graun, laip bai kamap hat.

WANTAIM halivim bilong Allied Gold Mining, ol pipel bilong Simberi Ailan i gat bikpela sans long surukim edukesen level bilong ol bikos ol i nau gat nupela ples long kisim save.

Disepa skul em i Simberi (Island Community Education Centre) Ailan Komyuniti Edukesen Senta, na ol bai opim dispela nupela skul long mun Jenuari, 2013.

Taim ol i opim, dispela skul bai gat 60-pela sumatin i kam long ol lokol komyuniti long Tabar Ailan, na ol pikinini bilong ol wok manmeri bilong Simberi Gol Main bilong Allied Gold. Ol bai kisim save long sekendari edukesen level.

Nau yet ol i mekim dispela

haus we Edukesen Senta bai stap long en, na ol bai pinisim long dispela yia tasol. Dispela haus bai gat saiens labrotari, laibri, tupela kompyuta klasrum, stap rum bilong ol tisa.

Wanpela hetmasta na 3-pela tisa bai wok long dispela Edukesen Senta. Allied Gold i halivim dispela long mani mak K300, 000.

Jeneral Menesa bilong Simberi Gol Main, Peter Du Plessis, i tok dispela Senta bai givim namba wan sans long ol pipel bilong Tabar Ailans long surukim save na edukesen level bilong, na bai halivim ol long painim wok mani na kamapim gutpela manmeri long bihain taim.

"Simberi Gol Kampani i

bilip long edukesen olsem wanpela namba wan samt-ing bilong kirapim kantri na ples bilong yumi. Mipela i amamas long givim kain namba wan sevis i go bek long ol pipel bilong Tabar Ailan, na mmipela lukim olsem dispela edukesen senta em i namba wan samt-ing bilong muvim Simberi na PNG i go het," em i tok.

Simberi Gol Kampani i bin halivim Simberi Praimari Skul las yia, na nau em i kamapim dispela nupela skul long halivim lokol pipel.

PNG Edukesen Dipatmen i luksave pinis long dispela nupela senta olsem wanpela skul bilong ronim ol open na distens edukesen program.

Dispela skul bai givim

narapela sans gen long ol sumatin husat i no bin mekim gut gret 11 na 12.

Nau yet 24-pela wok manmeri bilong Simberi Gol Maining i autim ting ting bilong ol long skul long hap.

48-pela sumatin i kam long lokol praimeri skul long Tabar husat i nau pinisim Gret 8, bai go het long Gret 9 i go inap Gret 12 long dispela senta.

Dispela senta bai halivim ol sumatin wantaim skul fi, skul wok, na eksam. Em bai bihainim sistem bilong Edukesen Dipatmen long ronim dispela skul.

Ol komyuniti lida, maus manmeri bilong kampani na Edukesen Dipatmen i kamap gavaning kaunsil bilong skul.



Dolores
Tuna

K1.00
tasol!

Dolores
TUNA

Dolores
TUNA in Oil

Tin pis em isi nau long baim . . .



GLASIM RAMU NICO PROJEK



Wanpela Ramu NiCo, Wanpela Komuniti

Ramu NiCo luksave long Wol Envairomen wik

BIKPELA divelopa bilong nickel na kobalt projek long Madang provins, Ramu NiCo i luksave long Wol Envairomen De na i amasim dispela wantaim sampela program we i toktok long gutpela rot long lukautim gut, bus, graun wara na solwara bilong yumi.

Wol Envairomen De i save kamap long Jun 5 long olgeta yia. Ramu NiCo i selebratin displa dei insait long wanpla wik olgeta we i stat long June 4 igo long June 8 na long Sarere June 9 i passim wantaim video conference.

Dispela Wol Envairomen Wik Program long Ramu NiCo i bin kamap insait long wanpela wik olgeta wantaim ol program ol i bin redim long tripela wok-ples bilong Ramu NiCo, em long Madang Ofis, Kurumbukari (KBK) Main na Basamuk (BSK) Rifaineri.

Ol program long Madang i lukim ol sumatin bilong Tusbab Sekenderi skul na Madang Tisa Koles na Divain Wod Yunivesiti i mekim lukluk raun i go long Ramu NiCo Ofis na kisim sampela gutpela skul toktok long sait bilong lukautim bus, graun, wara na solwara.

Long las wik Trinde long Basamuk Rifaineri i lukim ol lain ofisa bilong Helt, Sefti na Envairomen (HSE) i bung wantaim long ol nesanel na China wokman meri long givim toktok long sampela bikipela eria Ramu NiCo i wok long en long sait long lukautim envairomen.

Ol i givim toktok long sait bilong Operesenel Envairomental Menesmen Plen (OEMP) na wanem as-tingting bilong OEMP, ol envairomental program bilong Ramu NiCo na tu 20-pela Sab-plen bilong OEMP

HSE Dipatmen i tokim ol nesanel wokman olsem narapela bikipela wok painimaut o sevei em wanpela kampani bilong Australia ol i kolim Hydrobiology Kampani i kamapim long pinis bilong las yia long KBK Main na long ol han wara bilong Ramu Riva na tu long sampela eria long Basamuk. Dispela ol sevei o wok painimaut em i bihainim wok long glasim na skelim ol ples we i stap insait long OEMP na i bihainim wanem program i stap.

As tingting bilong karimaut stadi na wok painimaut long ol fres wara fis na ol samting i stap insait long en

olsem fis, kindam na ol liklik diwai na ol gras em long sekim sapos i gat ol samting olsem ain i stap insait long en. Long dispela em wok bilong kisim rekot o mak bilong save gut wanem enimol i stap long dispela eria na mekim dispela hap olsem ples bilong ol.

Wol Envairomen De long dispela yia i pas wantaim het-tok, "Green Economy: Does it include you?", Ramu NiCo salim tok i go long moa long 70 sumatin na tisa bilong Tusbab sekenderi, Madang Tisa Koles na Divine Word Yunivesiti (DWU) i go bung wantaim ol wokman bilong Ramu NiCo we Kampani i tok aut olsem Ramu NiCo i bihainim ol lo na luksave i stap ananit long OEMP or ol gaidlain we i was gut long Ramu NiCo long mekim wok long lukautim bus, graun, wara na solwara.

Kampani i tok tu olsem wok bilong lukautim environment em bikipela samting tru long wok bilong en long stat bilong main na em bai i go het yet na bai wok bung wantaim ol gavman lain na ol arapela autsait konsalten long givim ol papagraun olsem displa i kamap bihainim lo stret.

Wol Envairomen De long Madang i pinis wantaim ol tisa na sumatin i planim ol diwai.

Long taim Kampani i opim dispela Wol Envairomen De selebresin, Dokta James Wang i tok olsem Ramu NiCo i givim bikipela luksave long envairomen bilong yumi.

Long pasim dispela program, Dr. James Wang i tok tu olsem dispela luksave bai i stap yet na em i tok olgeta wok man bilong Ramu NiCo bai mekim displa environment safety em namba wan samting long luksave long en

Chief Operating Officer bilong Ramu NiCo Gao Yongxue sapatim Dr. James na i askim olgeta wok man meri na ol menasa insait long Ramu NiCo olsem ol i mas luksave na save gut long ol kondisen em Gavman bilong PNG i putim long lukautim envairomen bilong PNG long lukautim environment long taim wok main long Ramu NiCo i kamap.

Em i tok Ramu NiCo i bai putim bikipela luksave na risos insait long lukautim environment long givim strongpela luksave i go long ol lokal papagraun olsem Ramu NiCo i bai lukautim bus, graun, wara na solwara bilong yumi.



Donald long Basamuk Rifaineri i makim sefti posta bilong em



Ol sumatin i planim duai long Madang base opis makim wol environmen de



Ol sumatin na tisa i sanap long doa bilong Ramu NiCo Madang Glas Haus makim wol enviromen de



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 miliar kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

Wanpela Ramu NiCo, Wanpela Komuniti



STRONG LEK: Fulbek bilong Eagles i putim lek long sanap gut insait long ren taim em i kisim bal long raun 9 Digicel kap gem bilong ol long Mosbi las wik Sande agensim ol Vipers. *POTO: Andrew Molen.*



PAIRAP: Vipers fowet, Steven Johns is bungim strongpela banis bilong ol Eagles long raun 9 Digicel kap gem bilong ol long Mosbi las wik Sande. *POTO: Andrew Molen.*



RAUSIM EM: Senta bilong Defence i putim han long rausim wanpela Juggernauts pilaia long premia ragbi union gem bilong ol insait long Mosbi ragbi union resis long Murray bareks las wik Sarere. *POTO: Andrew Molen.*



SPONSA: PNG Taekwondo pilaia bilong ol meri, Theresa Tona (lephan) wantaim Syd Yates bilong PNGSFOC, Wayne Dorgan bilong PMMI na PNG Judo pilaia, Raymond Ovinou i soim sek mani bilong sponsasip we PNGMMI givim long PNG tim husat bai go long Olimpik Gems disp



STOPIM EM: George Oki bilong University stopim stret wanpela Motuan pilaia long Mosbi ragbi union A Gred gem bilong ol las wik Sarere long Murray bareks oval. *POTO: Andrew Molen.*




SOIM SAPOT: Sampela sapota i sindaun na lukluk long wanpela ragbi union gem long Murray bareks oval long las wik Sarere long Mosbi. *POTO: Andrew Molen.*



SOIM KALA: OL pilaia na ofisol bilong ol wanwan tim insait long Hebou Shield kriket salens bilong PNG wantaim ol Cricket PNG ofisol i sanap wantaim las wik bihain long ol i opim kompetisen bilong ol long Mosbi. *POTO: CPNG.*

TOKSAVE: Salim ol spots dro bilong yu kam long Feks; 325 2579, e-mel;amolen@wantok.com.pg o kam lusim long Wantok Niuspepa opis long Central Waigani, NCD.



Blues winim gem 2

i kam long bek pes

"Ol i putim tupela trai hariap tru taim Cooper i go long sin bin na mipela i no bin inap long bekim dispela ol trai hariap," em i tok.

Smith i tok amamas long ol Blues na i tok ol bai redi long bungim ol gen long asples.

Wanpela man husat i helpim long strong ol Blues em faiv eit, Todd Carney husat i bin kisim planti tok-tok olsem em i no bin pilai gut long gem wan.

"Mi no wari tumas nau na bipo long gem tu mi no

tingting tumas long gem bilong mi na dispela i helpim mi long malolo gut na pilai stret," Carney i tok.

Em yet i opim rot bilong ol Blues long skoa long namba tu hap bilong gem taim em i brukim banis bilong ol Maroons na i givim bal long Brett Stuart i go putim namba tu trai bilong ol long namba 43 minit bilong gem.

Stuart i bin putim namba wan gem bilong ol tu long 26 minit bilong gem bipo ol Maroons i bekim wantaim

Ben Hannant.

Kik bilong Thurston i putim ol Maroons i go pas 6-4 long hap taim bipo long namba tu trai bilong Stuart na penolti kik bilong Carney kisim ol i go pas gen 10-6.

Tupela minit bihain long trai bilong Stuart, winga Jarryd Hayne i painim spes na i pudaunim bal long lek bilong em we Josh Morris i kisim na ronawe long Greg Inglis long skoa long kona.

Dispela i kisim ol Blues i pas 16-6 bipo ol Maroons i kam bek wantaim wanpela

trai bilong Inglis long 62 minit bilong gem i kisim ol i go sot long 4-pela poin wantaim 16-12.

Carney i tok ol i ken winim namba tri gem long Suncorp stedium tu sapos ol i putim wankain strong-pela difens olsem ol i mekim long dispela wik Trinde nait.

"Em bai no inap isi long winim ol antap long hap tasol mipela i ken mekim sapos mipela i lukluk na tingting long gem bilong mipela yet," em i tok.

NRL SPOTS DRO RAUN 15

Fraide : Jun 15, 2012

WIN Stadium
Dragons V^s Bulldogs

ANZ Stadium
Cowboys V^s Broncos

Sarare: Jun 16, 2012

Toyota Stadium
Sharks V^s Warriors

ANZ Stadium
Eels V^s Rabbitohs

Sande: Jun 17, 2012

Skilled Park
Titans V^s Panthers

Leichardt
W/T igers V^s Roosters

Mande: Jun 18, 2012

Brookvale Oval
Eagles V^s Storm

Bai: Raiders, Knights

Raun 14 Poin Leda

Pos	Tim	W	L	D	B	+/-	Pts
1.	Storm	11	2	0	1	205	24
2.	Broncos	9	4	0	1	96	20
3.	Bulldogs	8	5	0	1	92	18
4.	W/ Tigers	8	5	0	1	40	18
5.	Sea Eagles	8	5	0	1	17	18
6.	Sharks	8	5	0	1	14	18
7.	Rabbitohs	7	5	0	2	3	18
8.	Cowboys	7	5	0	1	62	16
9.	Warriors	6	7	0	1	-2	14
10.	Dragons	6	7	0	1	-34	14
11.	Titans	5	7	0	1	-36	12
12.	Raiders	5	8	0	1	-69	12
13.	Roosters	5	8	0	1	-96	12
14.	Knights	4	9	0	1	-71	10
15.	Panthers	4	9	0	1	-85	10
16.	Eels	2	10	0	2	-136	8

PM laikim Farina stap yet

Andrew Molen i raitim

PAPUA Niugini Praim Minista, Peter O'Neill i laik bai Frank Farina i mas stap yet olsem kosa bilong nesenel soka tim bilong kantri.

O'Neill i tok Farina i mekim gutpela wok tru long tim na soka long PNG mas tingting long kisim em i stap longpela taim moa.

Em i tok tu olsem Gavman i stap redi long helpim ol i holim Farina i stap yet olsem kosa.

"Farina i no stap longpela taim tasol em i mekim planti senis long soka long PNG we yumi ken lukim i kamap insait long stail bilong gem na tu long save bilong ol pilaia bilong yumi," O'Neill i tok.

Las wik nesenel soka tim bilong Papua Niugini, Kundus, i kam bek long Nesens kap resis long Solomon Ailan we ol

lusim tupela gem bilong ol na droim wanpela.

Tasol maski long dispela risal, ol i winim yet amamas bilong O'Neill.

Ol Kundus i pilai tripela gem we ol i lusim namba wan long Nu Silan, namba tu gem long Solomon Ailan na dro wantaim Fiji 1-1 long laspela gem bilong ol.

Dispela mak i no inap long kisim ol i go insait long fainol tasol em i givim ol save tu long wanem ol asua bilong ol insait long gem.

Dispela i namba wan taim bilong PNG long go bek insait long dispela tonamen gen bihain long 8-pela yia na ol i gat planti wok yet long mekim long luksave long stail pilai bilong ol arapela kantri long dispela level bilong gem.

Dispela grup B we PNG i stap insait long en tu i wanpela grup we ol i tok i strong moa

long narapela grup (Grup A) bilong wanem olgeta strongpela kantri bilong pilai soka insait long Pasifik i stap insait long en.

"Tim bilong yumi traim hat na i pilai agensim ol strongpela tim tru.

"Agensim Nu Silan, yumi putim wanpela gol tasol i abrusim planti ol arapela sans bilong yumi," O'Neill i tok,

Em i tok Nu Silan i wanpela sempion tim na ol pilaia bilong yumi ken amamas long strongpela pait ol i kamapim insait long dispela gem.

O'Neill i tok tu olsem ol save manmeri husat i lukim dispela gem i tok gem bilong PNG i gutpela tru agensim kain strongpela kantri olsem Nu Silan.

"Yumi nap long winim dispela gem agensim Fiji tasol yumi no bin inap long skoa taim yumi stap long ai bilong



KOSA: Wok bilong Farina i amamas gavman.

gol pos stret," em i tok.

"Mi laik tok amamas long ol mangi bilong yumi long strongpela pilai ol i soim.

"Gutpela gem bilong yupela insait long pilai graun i mekim mipela i amamas na yupela i karim gut nem bilong kantri bilong yupela," O'Neill i tok.



PAIT: Silas Piskaut bilong PNG (lephan) i kikim birua bilong em bilong Nu Kaledonia long 2011 Pasifik Gems.

Karate bung bai kamap long Mosbi

Andrew Molen i raitim

OL Karate refri, kosa, jas na ol sumatin tu bai stap insait long wanpela bikpela bung long wik i kam long lainim sampela ol nupela samting long spot bilong ol.

Dispela trening bai kamap long Shady Rest Hotel long

Mosbi long Jun 24 i go long Julai 6, aninit long was bilong Papua Niugini Karate-Do Federesen (PNGKF).

Man bai go pas long trening em Sensei Trevor Roberts bilong Australia husat i makim Shotokan Budokai Karate Honbu.

Dispela trening em bilong ol Karate stail tasol na Presi-

den bilong PNGKF, Carl Mari, i tok astingting bilong dispela trening em long apim mak bilong Karate long kantri na tu helpim long givim moa save long ol pilaia, ol instrakta, kosa na refri tu.

"Em i gutpela taim long ol i kisim dispela trening bilong wanem em bai redim ol bilong 2012 PNG Gems na tu

2015 Pasifik Gems," Mari tok.

Bihain long dispela trening bai namba 23 nesenel karate sempionsip i kamap long Se John Guise stadium long Julai 7 i go long Julai 9.

Long dispela tonamen bai ol i pait long 5-pela divisen, stat long ol pilaia wantaim 6-peela krismas i go inap long ol bikpela manmeri.

Guambo kisim 4-pela wik saspensen

PILAIA bilong TNA Lions, Willie Guambo bai no inap pilai inap 4-pela wik olgeta bihainim long PNG NRL Bod i painim em i asua long paitim wanpela Gulf Isapea pilaia insait long takol long raun 8 Digicel kap gem bilong ol long raun 8.

Gem refri, Sari Fareho, i bin putim Guambo long ripot na

bihain long gem, komiti bung na lukluk long asua bilong em na i kamapim tingting long givim em mekim save.

Ripot i soim olsem Guambo i paitim wanpela Isapea pilaia bihain long ol i takolim em pinis na em i silip long graun i stap.

Dispela gem i bin kamap

long Kundu 2 TV na ol i yusim ol piksa long luksave gut long wanem samting Guambo i bin mekim.

Jenerel Menesa bilong PNGNRL, Hubert Warupi, i tok bod i givim tok orait long givim 4-pela wik saspensen long Guambo bihain long ol painim em i asua long dispela hevi.

PNG NRL i bin tokaut long stat bilong dispela yia olsem ol bai no inap givim sans long olgeta pilaia, tim na ol ofisol, husat i laik kisim bikhet pasin i go insait long gem na bagarapim ol pilai.

Dispela saspensen i lukim Guambo bai no inap pilai inap long raun 13.

SPOT RAUN
WANTAIM
Scott Vavine, ML



Planti provins i no redi long PNG Gems long Kokopo

I GAT 5-pela mun tasol i stap bipo long olgeta 22 provins bilong PNG i go pulap long Kokopo long stap insait long namba 5 PNG Gems, long Novemba dispela yia yet.

Dispela 5-pela mun i no inap long hamas wok wanwan provins i mas mekim bipo ol i go long dispela pilai.

Taim i sot na wanem kain bikpela samting ol i laik mekim bipo long ol i go bai putim moa hevi long ol yet.

I gat planti toktok na singaut i kam long ol i mas redi gut long taim yet bilong dispela gem tasol i nogat wanpela man o meri harim na dispela ol tok-tok i go lus nating.

Planti ol provins i wok long kamapim ol provinsol gem bilong ol nau tasol.

Ol bai redim dispela ol tim bilong ol olsem wanem taim i gat planti wok tru i stap yet long mekim bipo dispela ol tim i ken i go?

Gutpela toksave i kam long yupela long namba wan taim tru olsem yupela i mas redim ol tim bilong yupela na stap.

Planti no harim na bihainim ol dispela toksave na nau, wanwan tasol i redi gut pinis wantaim olgeta risos na ol tim bilong ol.

Dispela ol tim husat i redim ol yet pinis, em ol lain husat i go daun stret na i brukim baksait bilong ol long wokhat.

Ol i ken tok olsem ol i redi long go long 2012 PNG Gems.

Mi bin givim taim bilong mi tu long toktok long sampela ol rot na tingting we ol i ken bihainim long redim ol yet long dispela gem.

Rot i go long dispela gem i no isi bilong wanem i mas i gat planti wok i kamap long bungim mani, redim tim, kamapim trening na planti arapela samting.

Long dispela as, yu mas kisim inap taim long mekim olgeta.

Sampela ol provins i harim tok na i bihainim dispela ol samting, taim tasol bai soim wanem taim ol i lukim kaikai bilong gutpela wok bilong ol.

Wanem ol provins husat i givim inap taim, save na strong bilong ol long redim ol yet gut bai mekim gut long dispela gem.

Dispela win bai givim gutpela amamas na luksave long provins na pipol bilong ol we bai bekim sapot ol i givim long tim bilong ol bipo na tu long taim bilong gem.

Long planti, ol provinsol gavman wantaim kopret sekta i bungim han long helpim tim bilong ol.

Sapos dispela kain helpim i bin kamap long olgeta provins, bai ol i winim planti gem na ol ofisol na pilaia tu bai amamas.

Wanem ol provins husat i no bin gat inap taim long redim ol tim bilong ol, bai sore na wari taim ol gem na arapela samting bilong ol long taim bilong pilai no kamap gut.

Dispela bai soim stret wanem kain wok na hamas taim ol i bin kisim long redim ol yet.

Yu mas i gat inap manmeri long mekim wok, inap taim na planti gutpela risos long kamapim ol gutpela risal.

Sapos yu no mekim ol wok redi bilong yu gut, ol gutpela risal bai no inap kamap nating long yu.

Ol manmeri wantaim gutpela save na skil bilong wok bai mekim samting i kamap na i no ol manmeri nabaut.

Wanwan provins i mas lukim olsem spots i kamap wanpela wok insait long komyuniti bilong ol na ol bai ken kisim bek ol gutpela samting we em i ken kamapim long ol tu.

Wanpela long ol dispela samting em ol gutpela spots manmeri bilong yumi husat i stap hait yet.

Astingting bilong dispela gem em long givim sans long dispela kain ol spots manmeri kisim gutpela luksave long gem bilong ol.

Nau em i taim bilong trening na pilai long redim ol tim bilong yu long go long gem na i no long westim taim bilong yu long kamapim ol provinsol gems nau tasol.

Em i no pinis yet

Blues winim gem 2

SANS bilong Nu Saut Wels (NSW) long stopim ol Maroons long winim Stet ov Orijin gen dispela yia, i stap yet bihain long ol i winim namba tu gem 16-12 long ANZ stedim aste nait. Blues kepten, Paul Gallen i tok em i no isi na ol i wok hat tru tasol em i amamas long strongpela difens tim bilong em i putim long pasim ol Maroons.

mipela i sanap strong long banis na pasim ol gut na mi amamas long tim long dispela," Gallen i tok. Namba tri gem bai kamap long asples bilong ol Maroons long Julai 4 long Suncorp stedim na ol Blues i save em bai no inap isi tu. "I gat planti asua i stap yet na mipela i mas stretim ol na kamap gut moa sapos mipela i laik winim ol long hap," Gallen i tok.

NSW huka, Robbie Farah i tok ol i ken mekim. "Mipela i ken mekim sapos pilai ken putim wankain difens olsem mipela i mekim tete nait," em i tok. Kepten bilong Maroons, Cameron Smith i tok ol Blues i pilai gut moa tasol ol tu i bin gat bilip long kam bek na win tasol taim i sot long ol.

Moa long Pes 29.



NOGAT ROT: Billy Slater i pas long strongpela banis bilong ol Blues long Trinde nait.

BOROKO MOTORS	
PORT MORESBY	325 5255
LAE	472 1144
MT HAGEN	542 1933
TABUBIL	649 9048
KIMBE	983 5035
MADANG	422 2659
KOKOPO	982 8193
GOROKA	532 3552

Email: info@borokomotors.com.pg
 Website: www.boroko-motors.com